

წელიწადი  
პირველი

# მთაბე

შაბათი ო.მ.ბ. 22.

1921 წ.

## შინაგან საქმეთა სახალხო კომისარიატისა.

№ 18

ე რ ვ ე ლ კ ვ ი რ ე უ ლ ი ო რ გ ა ნ ო .

№ 18

### რედაქციის მისამართი:

შინ. საქ. სახ. კომისარიატის ბინა: ევანგელაფის ქ. № 1.  
(ეოფ — კადატო კაბუხისის შენობა) ტელეფონი № 6 90.

რედაქცია ღია: ეოველ დე დღის 9 ს. — 2 საათამდე.

რედაქტორის ნახვად შეიძლება 12 ს. — 2 საათამდე.

## ოფიციალური განყოფილება

### დეკრეტი № 75

საქართველოს სოც. საბ. რესპ. რევოლიუციონური კომიტეტისა  
საქციზო გადასახადის შესახებ.

საქციზო წესდებისა და მის დამატებათა სათანადო მუქონის შესაცვლელად, დასამტკიცებლად და გასაუქმებლად — დადგენილ იქნეს შემდეგი:

1. გაუქმებულ იქნას შაქრისა (რაფინადი და ფხვნილი), კაროსინისა და ნავთის სხვა პროდუქტების საქციზო გადასახადი.
2. გაუქმდეს ფოთოლ-თამბაქოს სახელმწიფო მონოპოლია.
3. გაუქმდეს ფოთოლ-თამბაქოს საფუთო გადასახადი.
4. გაუქმდეს თამბაქოს ნაწარმოების სატარიფო სისტემა აქციზის გადასახადისა და სამაგიეროდ შემოღებულ იქნეს თამბაქოს დამზადებულ ნაწარმოებისათვის საფუთო გადასახადი, რომელიც გაღებულ უნდა იქნეს ამ ნაწარმოების ფაბრიკიდან გამოშვების დროს.
5. შემოღებულ იქნეს, — თამბაქოს ნაწარმოების სხვა და სხვა ხარისხისათვის არსებული ბანდეროლების ნაცვლად, — ორგანი უფასო ბანდეროლი: პაპიროსისა და მოსაწვევ თამბაქოსათვის.
6. გადიდებულ იქნეს, თანახმად ამასთანავე დართული განაწერი და სატარიფო ცხრილისა, — აქციზი და საპატენტო (ძირითადი და დამატებითი) გადასახადი ყოველ, — აქციზ-დასადები — საგნის წარმოებისა და ვაჭრობისათვის.

7. შემოღებულ იქნეს აქციზი ადგილობრივი წარმოების (ხლო არა მოცვის) — ჩაისათვის.
8. ქ. ქ. ტფილისისა, ქუთაისისა, ბათუმისა და ფოთისათვის არსებული წესი ღვინის ალრიცხვისა — საქციზო გადასახადის ასაღებად — გაგრძელებულ იქნეს საქართველოს სხვა ქალაქებზედაც.
9. დაწესდეს ერთდროული საქციზო გადასახადი ღვინის საეაქროებისათვის საქართველოს ყველა, — ქალაქ-გარე, — ადგილებში იმ პირობით, რომ გადასახადი ისე გაღებულ იქნეს წინდაწინვე პატენტის აღების დროს, თანახმად ამასთანავე დართული სისა.
10. დაწესებულ იქნეს კონიაკის სიმაგრე ორმოც (40) გრადუსზე არა ნაკლები.
11. ყურძნისა და ხილის მასალისაგან ნორმულ ქარხნებში გამოწარმადი სპირტის გაყიდვა და გამოშვება, — საჭირო დოკუმენტების მიხედვით და აქციზის წინდაწინვე გადახდით, — შეიძლება მხოლოდ საბითუმე საწყობებისა და სარეკტიფიკაციო ქარხნებისათვის სდაც სპირტი ინახება საქციზო ზედამხედველობით და იხარჯება სათანადო ხელისუფალთა განსაკუთრებული ნებართვის თანხად.
12. კონიაკის და სკონიაკო სპირტის გაყიდვა და გამოშვება კონიაკის სპირტის ქარხნებიდან შეიძლება სათანადო საბითუმით მხოლოდ კონიაკის საბითუმე საწყობებისათვის, სდაც სპირტი ინახება საქციზო ზედამხედველობით და იხარჯება სათანადო ხელისუფალთა განსაკუთრებული ნებართვის თანახმად.
13. საქციზო გადასახადის განაკვეთი, თანა-

ხმად არსებული პროპორციული პოცენტული სააქციზო გადასახადის კანონისა, გადასინჯულ და შეცვლილ იქნება ფინანსთა კომისრის მიერ არა აღრე ორი თვის ვადისა.

14. სახელმწიფო მამულებსა და ნაციონალიზაციაქმნილ წარმოებაში, თუ იჯარით არ არის ისინი გაცემული, სააქციზო გადასახადის ანგარიში უნდა სწარმოებდეს მხოლოდ საბუხაპლტერო წესით.

15. არაპირდაპირ გადასახადთა გამგებლობა ევალება საქართველოს სოციალისტურ საბჭოთა რესპუბლიკის არაპირდაპირ გადასახადთა სამმართველოს.

16. მაგარ სასმელთა შესახებ არსებული წესდების 1151 მუხ. I შენიშვნა და 1228 მუხ. II შენიშვნა გაუქმდეს. 1228 მუხლის მეორე ნაწილი გავრცელდეს არა პირდაპირ გადასახადთა სამმართველოს ყოველ მოსამსახურეზე; ამასთანავე შემოსენებული 1151 და 1228 მუხლები შეფარდებულ იქნეს იმ შემთხვევებისათვისაც, როდესაც წესდების დარღვევის აღმოჩენა შეეხება სხვა, — აქციზ-დასადებ, — საგნებსაც.

გამოაშკარავებისათვის ჯილდოს განაწილების წესს დაადგენს ფინანსთა კომისარი.

17. ფინანსთა კომისარს უფლება ეძლევა გამოსცეს ინსტრუქციები ამა დეკრეტის განსახორციელებლად.

18. დეკრეტი ესე ძალაში შედის დღიდან მისი გამოქვეყნებისა.

საქართველოს რევოლიუციონური კომიტეტის თავმჯდომარის მოადგილე ს. ქავთარაძე.

ფინანსთა სახალხო კომისრის მოადგილე

ბ. ბიბინეიშვილი.

რევოლიუციონური კომიტეტის მდივანი

აღ. სალარიძე.

1921 წ. ოქტომბრის 7.  
ტფილისი — სასახლე.

75 № რის დეკრეტის მე 6 მუხ.  
და ნ ა რ თ ი

### განაწერი საკასტანსო გადასახადისა

#### I

##### თამბაქოს პატენტა

1. ადგილობრივ და საზღვარგარეთიდან შემოსულ ფოთოლ-თამბაქოს საბითუმე საწყობებისათვის.

- ა) ტფილისში . . . . . 500.000 მან.
- ბ) დანარჩენ ადგილებში . . . . . 250.000 მან.

2. თამბაქოს ფაბრიკებისათვის:

- ა) ძირითადი — 1000 ფუთი თამბაქოს გადასახადებისათვის ყველგან . . . . . I.000.000 მან.
- ბ) დამატებითი — ყოველ შემდეგ 1000 ფუთზე . . . . . 500.000 მან.

3 წეკოს ფაბრიკებისათვის:

- ა) ძირითადი — 1000 ფუთ წეკოზე 150.000 მან.

ბ) დამატებითი — ყოველ შემდეგ 1000 ფუთზე . . . . . 150.000 მან.

შენიშვნა: 1000 ფუთზე ნაკლები თამბაქოს და წეკოს რაოდენობა ჩაითვლება 1000 ფუთად

4. თამბაქოს ნაწარმოების ადგილობრივ ვაჭრობისათვის:

- ა) ტფილისში და ბათუმში . . . . . 500.000 მან.
- ბ) ქუთაისში და ფოთში . . . . . 300.000 მან.
- გ) დანარჩენ ადგილებში . . . . . 150.000 მან.
- დ) თამბაქოს ნაწარმოების ვაჭრობა დამტარებლების მიერ . . . . . 50.000 მან.

#### II.

1. პაპიროსის გილზისა და პაპიროსის ქალაქის ფაბრიკებისათვის:

- ა) გილზის ფაბრიკებისათვის პირველ 5 მილიონ გილზზე . . . . . 250 000 მან.
- დამატებითი — ყოველ შემდეგ 1 მილიონზე . . . . . 50.000 მან.

2. პაპიროსის ქალაქის ფაბრიკებისათვის:

- ა) პირველ 5 მილიონ ფურცელზე 100.000 მან.
- ბ) დამატებითი — ყოველ შემდეგ თითო მილიონზე . . . . . 20.000 მან.

შენიშვნა: გილზისა და პაპიროსის ქალაქის რაოდენობა 5 მილიონზე ნაკლები ჩაითვლება 5 მილიონად, და რაოდენობა 5 მილიონზე მეტი, მაგრამ 1 მილიონზე ნაკლები ჩაითვლება მილიონად.

#### III

1. ასანთის ფაბრიკებისათვის:

- ა) პირველ 1 მილიონ კოლოფზე (არა უმეტეს 75 ცალ.) . . . . . 1.000.000 მან.
- ბ) დამატებითი — ყოველ შემდეგ 1 მილიონზე . . . . . 500.000 მან.

შენიშვნა: კოლოფების რაოდენობა 1 მილიონზე ნაკლები ჩაითვლება 1 მილიონად.

#### IV

საკონიაკო და სპირტის დამწმენდი ქარხნებისათვის.

1. სპირტის ხარეკტიფიკაციო ქარხნებისათვის.

- ა) ძირითადი — 500.000 გრ. დამწმენდილი სპირტისათვის . . . . . 500.000 მან.
- ბ) დამატებითი — ყოველ შემდეგ 500.000 გრ. . . . . 250.000 მან.

2. პურეულის სპირტის ხახდელი ქარხნებისათვის

- ა) ძირითადი — 500.000 გრ. . . . . 1.000.000 მან.
- ბ) დამატებითი — შემდეგ 500.000 გრ. . . . . 500.000 მან.

შენიშვნა: გამოხდილი და დამწმენდილი სპირტის რაოდენობა 500.000 გრ. ნაკლები — ჩაითვლება 500.000 გრ.; ხოლო პირველ 500.000 გრადუსის შემდეგ გამოხდილი



500.000 გრ. ნაკლები ჩაითვლება 500.000 გრადუსად.

- 3. საკონიაკო ქარხნებისათვის ყველგან 500.000 მან.
- 4. ხილეთულის სპირტის სახდელ ქარხნებისათვის საკონტროლო იარაღით ყველგან . 250.000 მან.
- 5. იმავე ქარხნებისათვის უსაკონტროლოდ იარაღისოდ ნორმულ ქარხნებისათვის . . . 25.000 მან.
- 6. არყის ქარხნებისათვის ყველგან 1.000.000 მან.
- 7. ლუდის სახდელი ქარხნებისათვის

ა) ძირითადი — პირველ 1000 ფუთ ალაოზე 1.000.000 მან.

ბ) დამატებითი — ყოველ შემდეგ 1000 ფუთ ალაოზე . . . . . 500.000 მან.

1. არყისა, სპირტისა და კონიაკის საბითუმე საწყობებისათვის:

- ა) ტფილისსა და ბათუმში . . . 1.000.000 მან.
- ბ) დანარჩენ ადგილებში . . . 500.000 მან.

VI

1. ღვინის და ლუდის საბითუმე საწყობებისათვის:

- ა) ტფილისსა და ბათუმში . . . 300.000 მან.
- ბ) ქუთაისსა და ფოთში . . . 250.000 მან.
- გ) დანარჩენ ადგილებში . . . 100.000 მან.

VII

1. მაგარ სასმელების სავაჭრო სარდაფებში:

- ა) ტფილისსა და ბათუმში . . . 500.000 მან.
- ბ) ქუთაისსა და ფოთში . . . 250.000 მან.
- გ) დანარჩენ ადგილებში . . . 100.000 მან.

VIII

1. ღვინის სარდაფებისათვის:

- ა) ტფილისსა და ბათუმში . . . 800.000 მან.
- ბ) დანარჩენ ადგილებში . . . 300.000 მან.

IX

1. ღვინის დუქნებში (მალაზიებში)

- ა) ტფილისსა და ბათუმში . . . 150.000 მან.
- ბ) დანარჩენ ადგილებში . . . 100.000 მან.

X

1. სახალილოებზე, ბუფეტებზე (გარდა თეატრისა და ცირკისა) და ყველა იმ ადგილებში, სადაც ნება დართულია ღვინისა და მაგარ სასმელების იქვე დაღვრა:

- ა) ტფილისში, ბათუმში და რკინის გზის ყველა სადგურებში . . . . . 300.000 მან.

- ბ) ქუთაისში და ფოთში . . . 200.000 მან.
- გ) ყველა დანარჩენ ადგილებში 150.000 მან.

XI

1. თეატრისა და ცირკის ბუფეტში

- ა) ტფილისსა და ბათუმში . . . 100.000 მან.
- ბ) დანარჩენ ადგილებში . . . 50.000 მან.

XII

1. ლუდის დუქნებში.

- ა) ტფილისსა და ბათუმში . . . 100.000 მან.
- ბ) დანარჩენ ადგილებში . . . 50.000 მან.

XIII

1. ბუფეტში, რომელიც გაიხსნება მოკლე ხნით ბაზრობისა ან გამოფენის დროს — ყველგან დღეში 10.000 მან.

შენიშვნა 1: სააგარაკო ადგილებში, ფინანსთა სახალხო კომისარიატის ნებართვით, შეიძლება მაგარი სასმელების ვაჭრობა ნახევარი წლის პატენტით მაისის 1-დან ოქტომბრის 1-მდე.

შენიშვნა 2: საქველმოქმედო საზოგადოება, სხვა და სხვა გასართობის საქველმოქმედო მიზნით გამართვის დროს, მაგარ სასმელების ვაჭრობისათვის საპატენტო გადასახად არ გაიღებს, უკეთეს ბუფეტი არ გადაეცა კერძო პირს.

შენიშვნა 3: ფინანსთა კომისარს უფლება ეძლევა — ესა თუ ის ადგილი ამა თუ იმ ხარისხს მიაკუთვნოს — საპატენტო გადასახადის შემცირებისა ან გადიდების მიზნით.

შენიშვნა 4: განაწერი ესე ვრცელდება მაგარი სასმელების ყოველ სავაჭროზე რომელსაც უკვე აუღია საამისო პატენტი.

საქართველოს რევოლიუციონური კომიტეტის თავმჯდომარის მოადგილე ს. ქავთარაძე.

ფინანსთა სახალხო კომისარის მოადგილე ბ. ბიბინეიშვილი.

რევოლიუციონური კომიტეტის მდივანი ალ. სალარიძე.

1921 წ. ოქტომბრის 7. ტფილისი — სასახლე.



75 №-ს დეკრეტის მე-5 მუხ.

დ ა ნ ა რ თ ი

საქართველო ცხელი პროპორციონალური საქციზო გადასახადისა.

№ № რიგზე	აქციზ-დადებული საგნების სახელწოდება	რაოდენობა	საშუალო გასასყიდი ფაქი	%/0 გადასახადისა	საქციზო გადასახადის რაოდენობა მანეთობით
<b>1 ჯ გ უ ფ ი.</b>					
1	საზღვ.-გარეთ შემოტანილი ჩაი.	1 გირვანქა	30.000	10%/0	3.000 მან.
2	ადგილობრივი ჩაი . . . . .	„ „	20.000	5%/0	1.000 მან.
<b>2 ჯ გ უ ფ ი.</b>					
3	ასანთი . . . . .	1 კოლოფი 75 ც-მდე	1.000	15%/0	150 მან.
<b>3 ჯ გ უ ფ ი</b>					
4	მსუბუქი სასმელი ღვინო . . .	1 ვედრო (16 ბოთლი)	80.000	20%/0	16.000 მან.
5	ლუდი . . . . .	ალაოს 1 ფუთი	40.000 მ.	„ „	48.000 მ. ფ. ალაო.
6	ბილყულობისა და ყურძნეულის სპირტი . . . . .	1 გრადუსი	2.500	„ „	500 მან. გრადუსი
<b>4 ჯ გ უ ფ ი:</b>					
7	პაპიროსის ქაღალდი . . . . .	1 წიგნ. 50 ფურც-დე	500	30%/0	150 მან.
8	პაპიროსის გილზი . . . . .	1 ასეული	3.000	„ „	900 მან. ასეულზე
9	პურყულის სპირტი . . . . .	1 გრადუსი	6.000	„ „	1.800 მ. გრადუსზე
10	კონიაკის სპირტი . . . . .	1 გრადუსი	12.000	„ „	3.600 მ. გრადუსზე
11	სადესერტო ღვინო . . . . .	1 ვედ. (16 ბოთლი)	160.000	„ „	48.000 მ. ვედროზე
12	შუშხუნა ღვინო საზღვ.-გათული	1 ვედრო (15 ბოთ.)	500.000	„ „	150.000 მ. ვედ.
13	შუშხუნა ღვინო ადგილობრივი.	1 ვედრო (15 ბოთ.)	240.000	„ „	75.000 მან. „
<b>5 ჯ გ უ ფ ი:</b>					
14	არყის ნაწარმოები (ლიქორი)	1 ვედ. (20 ბოთ.)	320.0000	50%/0	160.000 მან „
15	მოსაწევი თამბაქო . . . . .	1 ფუთი	640.000	„ „	320.000 მან. ფუთ.
16	პაპიროსი . . . . .	1 ფუთი	1.440.000	„ „	730.000 მან. „

საქართველოს რევოლიუციონური კომიტეტის თავმჯდომარის მოადგილე **ხ. ქავთარაძე**  
 ფინანსთა სახალხო კომისარის მოადგილე **ბ. ბიბინეიშვილი**  
 რევოლიუციონური კომიტეტის მდივანი **ალ. სალარიძე.**

1921 წ. ოქტომბრის 7.  
 ტფილისი.—სასახლე.



75 №-ს დეკრეტის მე-9 მუხ.  
დანართი.

# ს ი ა

იმ ქალაქ-გარე დასახლებული ადგილებისა, სადაც ღვინის სავაჭროები იხდიან ერთდროულ სააქციზო გადასახადს.

1. ქალაქ-გარე დასახლებული ადგილები, რომლებიც იხდიან ერთდროულ სააქციზო გადასახადს 200.000 მან. რაოდენობისას:

**ტფილისის მაზრა:**

1. მანგლისი.
2. ავქალა.
3. საგარეჯო.
4. აღბულაღი.

**ბორჩალოს მაზრა:**

1. ეკატერინენფელდი

**სოღნაღის მაზრა:**

1. გურჯაანი.
2. ლაგოდეხი.
3. ყელისციხე.

**დუშეთის მაზრა:**

1. მცხეთა.

**გორის მაზრა:**

1. გომი.

**სენაკის მაზრა:**

1. აბაშა.

**ზუგდიდის მაზრა:**

1. ანაკლია.
2. ხობი.

2. ყველა დანარჩენ ადგილებში ღვინის სავაჭროები გაიღებენ სააქციზო გადასახადად 100.000 მანეთს.

საქართველოს რევოლიუციონური კომიტეტის თავმჯდომარის მოადგილე ს. ქავთარაძე.

ფინანსთა სახალხო კომისარის მოადგილე ბ. ბიბინეიშვილი

რევოლიუციონური კომიტეტის მდივანი ალ. საღარაძე.

1921 წ. ოქტომბრის 7.  
ტფილისი —სასახლე.

## დადგენილება № 68

საქ. სოც. საბჭ. რესპ. რევოლ. კომიტეტისა

სახელმწიფო უნივერსიტეტის პროფესორებისა, ორდინატორებისა და ასისტენტების მობილიზაციისაგან განთავისუფლების შესახებ.

1. პროფესორები, ორდინატორები და ასისტენტები, რომელნიც სახელმწიფო უნივერსიტეტში ირიცხებიან და სამეცნიერო მუშაობას აწარმოებენ, — არ უნდა იქნენ გაწვეულნი მობილიზაციის წესით ან მუშაობას ჩამოშორებულნი, განათლების სახალხო კომისარიატის ნება დაურთველად.

2. უკეთეს აღნიშნულ თანამდებობის პირთაგან ვინმე უკვე გაწვეულია მობილიზაციის წესით, ან მუშაობას ჩამოშორებული, განათლების სახალხო კომისარიატის ნებადაურთველად, დაუყოვნებლივ უნდა დაუბრუნდეს თავის მუდმივ თანამდებობას.

3. დადგენილება ესე ძალაში შედის დღიდან მისი გამოქვეყნებისა.

საქართველოს რევოლიუციონური კომიტეტის თავმჯდომარე ბ. მდივანი.  
განათლების სახალხო კომისარის მოადგილე დ. კანდელაკი.

რევოლ. კომიტ. მდივანი ალ. საღარაძე.  
1921 წ., სექტემბრის 10.

ტფილისი —სასახლე.

## დადგენილება № 69

საქართველოს სოც. საბ. რესპ. რევ. კომიტ.

ყოველგვარი სატელეფონო ქონებისა და მასალის სახელმწიფო საკუთრებად გამოცხადების შესახებ.


1. ყოველგვარი სატელეფონო ქონება და მასალა, როგორც ტელეფონის აპარატი და მისი ნაწილები, ისევე კაბა, გორგილი, ყოველნაირი მავთული და ჯირგინი გამოცხადდეს სახელმწიფო საკუთრებად.

ამის გამო არავის არა აქვს უფლება ეს საგნები გაჰყიდოს, გაიტანოს საზღვარგარეთ, ან გადასცეს სხვას.

უკეთეს ვისმე მოეპოვება აღნიშნული საგნები, — ვალდებულია დაუყოვნებლივ ჩააბაროს ფოსტა-ტელეგრაფის მთავარ საწყობს.

ის, ვინც დაარღვევს ამა დადგენილებას და ვისაც აღმოაჩნდება ვადამალული ზემოთ ჩამოთვლილი საგნები, მიიცემა პასუხისგებაში, როგორც რესპუბლიკისათვის ზარალის მიმყენებელი.

2. ყოველი პირი და დაწესებულება, რომელსაც უფლება აქვს იქონიოს ტელეფონი, ვალდებულია აპარატს და მთლად მის მოწყობილობას მოეპყრას ფრთხილად. ტელეფონის ან მისი ნაწი-



ლის დაზიანებისათვის, ან დაკარგვისათვის დაზნა-  
შავეს გადაჭიდება იმდროინდელი საბაზრო ფასი.

3. უკეთეს აპარატი ან მისი ნაწილები დაზიან-  
ებულ იქნება ბოროტგანზრახვით, დაზნაშავე მიე-  
ცემა სასტიკ პასუხისგებაში.

4. არავისა აქვს უფლება თავისი ტელეფონის  
აპარატი გადასცეს სხვა პირს მუდმივი სარგებლო-  
ბისათვის, თუ არ მიუღია კანონიერი ნებართვა ქსე-  
ლის გამგისაგან; წინააღმდეგ შემთხვევაში დაზნა-  
შავე მიიცემა პასუხისგებაში.

5. ტელეფონის აბონენტს არა აქვს უფლება  
ფასის გადახდევინებით ასარგებლოს ტელეფონი  
სხვა რომელიმე კერძო პირს; წინააღმდეგ შემთ-  
ხვევაში მოხსნილ იქნება და თვით აბონენტი მი-  
იცემა პასუხისგებაში.

6. დადგენილება ესე ძალაში შედის დღიდან  
მისი გამოქვეყნებისა.

საქ. რევ. კომიტეტის  
თავმჯდომარე ბ. მდივანი.

ფოსტა-ტელეგრაფის სახ. კომისარიატის ბ. კვ. რკელია.

რევ. კომიტ. მდივანი ალ. ხალარაძე.

1921 წ., სექტემბრის 12.

ტფილისი - სასახლე.

### დადგენილება № 70

საქართ. სოც. საბ. რესპ. რევ. კომიტეტისა

გზათა შესაკეთებლად მუშაობის წარმოებისა-  
თვის შრომის ბეგარის შემოღების შესახებ.

რათა რესპუბლიკის სამეურნეო ორგანოები,  
რომელნიც გზათა შეკეთებას აწარმოებენ, საქარო  
მუშა-ხელით უზრუნველყოფილ იქნენ და ეს მუ-  
შა-ხელი მათ სათანადო გეგმის მიხედვით გამოიყუ-  
ნონ, — საქართველოს სოც. საბჭ. რესპუბლიკის რე-  
ვოლიუციონური კომიტეტი, ვიდრე გამოიკვემო-  
დეს დეკრეტი — საყოველთაო შრომის ბეგარის შე-  
სახებ, — ადგენს:

1. შემოღებულ იქნეს შრომის ბეგარა იმ მო-  
ქალაქეთათვის, რომელნიც ჰბინადრობენ შესაკე-  
თებელ გზების (რკინის გზა, შარა-გზა და სხვ.)  
ახლო მდებარე დასახლებულ ადგილებში — ოცდა-  
ათი ვერსის რადიუსის სიერცხვზე.

2. ამა დადგენილების სისრულეში მოყვანა  
დაეკისროს შრომის სახალხო კომისარიატს.

3. შრომის სახალხო კომისარიატს დაევალოს,  
შრომის ბეგარის განხორციელების დროს, — შეუ-  
თანხმდეს ხოლმე მიწადმოქმედების სახალხო კომი-  
სარიატს ბეგარის ვადისა და წესის შესახებ, რაც  
განსაზღვრულ უნდა იქნეს ადგილობრივ სასოფლო-  
სამეურნეო გარემოებათა მიხედვით.

8. დადგენილება ესე ძალაში შედის დღიდან  
მისი გამოქვეყნებისა.

საქ. რევ. კომიტეტის თავმჯდომარის  
მოადგილე ს. ქავთარაძე.

შრომის სახ. კომ. მოადგილე ა. მიქაძე.

რევ. კომიტეტის მდივანი ალ. ხალარაძე.

1921 წ., სექტემბრის 14.

ქ. ტფილისი, — სასახლე.

### დადგენილება № 71

საქართველოს სოც. საბ. რესპ. რევოლიუციო-  
ნური კომიტეტისა

იმ საწარმოო დაწესებულებების მუშათა აღრი-  
ცვისა და გამოყენების წესის შესახებ, რომე-  
ლი დაწესებულება იხურება ან ამცირებს თა-  
ვის წარმოებას.

რათა სათანადოდ გამოყენებულ იქნეს მუშა-  
ხელი იმ საწარმოო დაწესებულებებისა, რომელიც  
ან სრულიად დაიხურება, ან თავის მოქმედებას  
ამცირებს, — საქართველოს რევოლიუციონური კო-  
მიტეტი ადგენს:

1. ყოველი საწარმოო დაწესებულება, რომე-  
ლიც წარმოებას ან სრულიად შესწყვეტს, ან დრო-  
ებით შეაჩერებს, ვალდებულია ცნობის შრომის  
განყოფილების მუშა-ხელის აღრიცხვა-განაწილების  
ადგილობრივ ქვე-განყოფილებას, ორი კვირით  
ადრე, ან, ყოველ შემთხვევაში, წარმოების შეჩე-  
რების თაობაზე ცნობის მიღებისთანავე.

ის საწარმოო დაწესებულება, რომელიც ამ  
ჟამად არა მუშაობს, ვალდებულია ცნობა, — ამა  
დადგენილების მეორე მუხლის თანახმად, წარუდ-  
გინოს: ტფილისში — შრომის სახალხო კომისარია-  
ტს, პრევიციაში — შრომის ადგილობრივ ორ-  
განოებს, ერთი კვირის ვადაზე დღიდან დადგენი-  
ლების გამოქვეყნებისა ადგილობრივ რევოლიუცი-  
ონური კომიტეტის მიერ.

2. მუშა-ხელის აღრიცხვა-განაწილების ქვე-  
განყოფილებათათვის წარსადგენ ცნობაში უნდა  
აღინიშნოს:

ა) განთავისუფლებულ მუშა-ხელის ნამდვილი  
რაოდენობა — პროფესიისა, კატეგორიის და სქე-  
სის მიხედვით;

ბ) რა დროიდან არიან მუშები განთავისუფ-  
ლებულნი;

გ) განზრახულია, — მუშებისათვის საბოლოო  
ანგარიშის გასწორება, თუ მათი დროებითი გან-  
თავისუფლება (უკანასკნელ შემთხვევაში უნდა აღი-  
ნიშნოს, თუ რა ვადით განთავისუფლდებიან მუ-  
შები);

დ) წარმოების დახურვის მიზეზი;

ე) იმ შემთხვევაში, როდესაც მუშაობა დრო-



ებით შეჩერებულია, წარმოების დატოვებისა, სამსახურიდან დათხოვნისა ან შევსებულბაში წასვლის ნებართვის მიცემა, აგრეთვე მუშებისათვის საბოლოო ანგარიშის გასწორება, წარმოების შემცირებისა ან სრულიად შეწყვეტის გამო, — არ შეიძლება მოხდეს მუშა-ხელის აღრიცხვა-განაწილების ადგილობრივი ქვე-განყოფილების უცნობინებლად და უდასტუროდ.

4. მუშაობისაგან განთავისუფლებულ მუშათა განაწილება და გამოყენება უნდა სწარმოებდეს თანახმად შრომის სახალხო კომისარიატის ინსტრუქციისა, რომელიც ცალკე უნდა იქნეს გამოცემული.

5. იმ მუშებს, რომელნიც, პატივსაცემ მიზეზის გარეშე, უარს განაცხადებენ სხვა წარმოებაში გადასვლაზე, ან მუშა-ხელის აღრიცხვა-განაწილების ქვე-განყოფილების მიერ დანიშნულ რაიმე სამუშაოზე, აუცილებლად უნდა მოესპოთ გასამრჯელო იმ დროსათვის, რაც საწარმოო დაწესებულება მოქცდარი ან დახურული იყო და დაეკისროთ, შრომის სახ. კომისარიატის ინსტრუქციის თანახმად, იძულებითი მუშაობა.

6. დროებით მომცდარი საწარმოო დაწესებულება, უკეთეს მუშაობას განაახლებს, ვალდებულია ამის შესახებ წინადადე აცნობოს მუშა ხელის აღრიცხვა-განაწილების ადგილობრივ ქვე-განყოფილებას.

7. ამა დადგენილების ცხოვრებაში გატარება და მისი სისწორით აღსრულება დაევალება მუშა-ხელის აღრიცხვა-განაწილების ქვე-განყოფილებას და საწარმოო დაწესებულების ადმინისტრაციულ ორგანოებს, რომელნიც პასუხს აგებენ, უკეთეს დადგენილება ესე აუსრულებულ ან დარღვეულ იქნა.

8. მუშათა და გლეხთა ინსპექციის სახალხო კომისარიატს და მის ადგილობრივ ორგანოებს პირობებთ დაუყოვნებლივ შეამოწმონ, გატარებულია თუ არა ცხოვრებაში დადგენილება ესე მომცდარ წარმოებათა მიმართ და კვლავ გაუწიონ ნამდვილი კონტროლი ამა დადგენილების განხორციელებისათვის. იმ შემთხვევაში, როდესაც საწარმოო დაწესებულებანი ამა დადგენილებას არ აღსრულებენ, მუშათა და გლეხთა ინსპექციის ორგანოები დაუყოვნებლივ აცნობებენ მუშა-ხელის აღრიცხვა-განაწილების ადგილობრივ ქვე-განყოფილებათ, დამნაშავეთა პასუხისგებაში მისაცემად, ამა დადგენილების მე-9 მუხ. მიხედვით, ან და თვითონ აძლევენ პასუხისგებაში. — მომცდარ საწარმოო დაწესებულებათა მუშებისათვის ჯამაგირის მისაცემად გაცემულ ასიგნობას მუშათა და გლეხთა ინსპექციის ორგანოები დაამტკიცებენ მხოლოდ იმ შემთხვევაში, თუ მუშა-ხელის აღრიცხვა-განაწილების ქვე-განყოფილებათა განკარგულებანი — დახურულ საწარმოო დაწესებულებათა მუშების გამოყენების შესახებ — სწორედ იქნება აღსრულებული.

9. შრომის სახალხო კომისარიატი და მისი ადგილობრივი ორგანოები ვალდებული არიან

პასუხისგებაში მისცენ, — მუშა-ხელის აღრიცხვა-განაწილების და მისი ადგილობრივ ორგანოების წარდგენით — ის, ვინც ამა დადგენილებას დაარღვევს ან არ აღსრულებს.

10. დადგენილება ესე ძალაში შედის დღიდან მისი გამოქვეყნებისა.

საქ. რევ. კომიტეტის თავმჯ. მოადგილე

ს. ქავთარაძე.

შრომის სახ. კომისარის მოადგილე

ა. მიქაძე.

რევოლიუტ. კომიტეტის მდივანი

აღ. ხალარაძე.

1921 წ. სექტემბრის 20. ტფილისი — სასახლე.

### დადგენილება № 72

საქართ. სოც. საბ. რესპ. რევ. კომიტეტისა

მცხოვრებთათვის სამკურნალო წამლების უფასოდ მიცემის თაობაზე საქართველოს რევოლიუციონური კომიტეტის მიერ 1921 წლის მაისის 15-ის თარიღითა და 18 №-ით გამოცემული დადგენილების განმარტების შესახებ.

ზემოაღნიშნული დადგენილების (№ 18) განსამარტებლად საქართველოს სოც. საბჭოთა რესპ. რევოლიუციონური კომიტეტი ადგენს:

1. აფთიაქიდან უფასოდ წამალი მიეცემათ — საქართველოს სოც. საბჭოთა რესპუბლიკის ქალაქებსა და სოფლებში — პროფესიონალურ კავშირთა წევრებს, ესე იგი საბჭოთა ხელისუფლების ყოველ მოსამსახურეს, მისი ოჯახის წევრებსა და ყველა იმ პირთ, რომელნიც იმყოფებიან საქართველოს სოც. საბჭ. რესპ. სოციალური უზრუნველყოფის კომისარიატის ხარჯზე; აგრეთვე იმას, ვინც წარადგენს ადგილობრივ საბჭოთა დაწესებულებისაგან სიღარიბის მოწმობას

2. პირველ მუხლში მოხსენებულმა ყოველმა პირმა უნდა წარადგინოს აფთიაქში ექიმის რეცეპტი, სადაც უნდა იყოს აღნიშნული ავადმყოფის თანამდებობა, მისი მანდატის ნომერი და რომელსაც უნდა ჰქონდეს დასმული ბეჭედი იმ დაწესებულებისა, სადაც ავადმყოფი მსახურობს, ან პროფესიონალურ კავშირისა, ან სოციალური უზრუნველყოფის განყოფილებისა, ან და ადგილობრივი რევოლიუციონური კომიტეტისა.

3. დანარჩენ მოქალაქეებს წამალი აფთიაქიდან მიეცემათ მხოლოდ საფასურით.

4. პირველ მუხლში აღნიშნულ ყოველ პირს შეუძლიან მიიღოს აგრეთვე სამკურნალო დახმარება საბჭოთა სავადმყოფოში იმ წესით და პირობით, რაც აღნიშნულია ამა დადგენილების მეორე მუხლში.



ხოლო დანარჩენ მოქალაქეებს ასეთივე დახმარება შეუძლიათ მიიღონ საფასურით.

წ. დადგენილება ესე ძალაში შედის დღიდან მისი გამოქვეყნებისა.

საქ. რევ. კომიტეტის თავმჯდომარის  
მოადგილე ს. ქავთარაძე  
ჯანმრთელობის სახ. კომისარი გრ. კუჭაიძე.  
რევ. კომიტეტის მდივანი ალ. სალარიძე.  
1921 წ., სექტემბრის 20.  
ქ. ტფილისი, — სასახლე.

### დადგენილება № 73

საქ. სოც. საბჭ. რესპ. რევოლ. კომიტეტისა  
საქართველოს რევოლუციონური კომიტეტის  
დეკრეტი № 41 მუხლი 24-ის შეცვლის შესახებ.

წითელი არმიელებისა და მათი ოჯახების უზრუნველყოფის შესახებ გამოცემული დეკრეტი № 41 მუხლი 24-ის შესაცვლელად საქართველოს სოციალისტური საბჭოთა რესპუბლიკის რევოლუციონური კომიტეტი ადგენს:

1. ამ დეკრეტის სისრულეში მოყვანა ევალება სოციალური უზრუნველყოფის სახალხო კომისარიატს; სურსათით უზრუნველყოფა — სასურსათო სახალხო კომისარიატს, ხოლო სასოფლო-სამეურნეო დახმარების აღმოჩენა — მიწადმოქმედების სახალხო კომისარიატს.

2. დადგენილება ესე ძალაში შედის დღიდან მისი გამოქვეყნებისა.

საქ. სოც. საბ. რესპ. რევ. კომიტ.  
თავმჯდ. მოადგილე ს. ქავთარაძე.  
რევ. კომიტ. მდივანი ალ. სალარიძე.  
1921 წ., სექტემბრის 20.  
ტფილისი, — სასახლე.

### დადგენილება № 74

საქართ. სოც. საბ. რესპ. რევ. კომიტეტისა  
მუშა-მოსამსახურეთა ერთი სამუშაოდან მეორეზე გადასვლისა და სამსახურის დატოვების შესახებ.

1. აკრძალულია მუშა-მოსამსახურეთა თავის ნებით ერთი უწყებიდან ან წარმოებიდან მეორეში გადასვლა და სამსახურის სრულიად დატოვება.

შენიშვნა: დაწესებულების ადმინისტრაცია, უკეთეს ვინმე თავის ნებით დასტოვებს სამუშაოს ან სხვაგან მოეწყობა, მოვალეა დაუყონებლივ აცნობოს შრომის სახალხო კომისარიატს დამის ადგილობრივ ორგანოებს.

2. მუშა-მოსამსახურეთა ერთი უწყებიდან მეორეში გადასვლა უნდა მოხდეს სათანადო უწყებათა ერთმანეთთან შეთანხმებით და შრომის სახალხო კომისარიატის ნებართვით.

3. მუშა-მოსამსახურეთა ერთი დაწესებულებიდან ან წარმოებიდან იმავე უწყების მეორე დაწესებულებაში ან წარმოებაში გადასვლა ან გადაყვანა უნდა მოხდეს დაწესებულებათა მმართველობის შეთანხმებით და შრომის სახალხო კომისარიატის ნებართვით.

4. მუშა-მოსამსახურეთა ერთი სამუშაოდან მეორეზე გადაყვანა ერთსა და იმავე დაწესებულებაში ან წარმოებაში უნდა მოხდეს დაწესებულებების ან წარმოების ადმინისტრაციის მიერ სატარიფო შემფასებელ კომისიასთან შეთანხმებით.

5. მუშა-მოსამსახურე, რომელიც ამა დადგენილებას დაარღვევს, პასუხს აგებს შრომის სახალხო კომისარიატის სათანადო ორგანოების წინაშე, როგორც შრომის დეზერტირნი.

6. ადმინისტრაციის პირი, რომელიც ამ დადგენილებას დაარღვევს, პასუხს აგებს სახალხო სამართალის წინაშე, როგორც შრომის დეზერტირობის წამქეზებელი და ხელის მემყუობი.

7. ამა დადგენილების განსამოტებლად შრომის სახალხო კომისარიატს დაევალება, საქართველოს პროფესიონალურ კავშირთა საბჭოსთან შეთანხმებით, გამოსცეს ინსტრუქცია.

8. დადგენილება ესე ძალაში შედის დღიდან მისი გამოქვეყნებისა.

საქ. რევ. კომიტ. თავმჯდომარის მოადგილე  
ს. ქავთარაძე.  
შრომის სახ. კომისარის მოადგილე ა. მიქაძე  
რევ. კომიტეტის მდივანი ალ. სალარიძე.  
1921 წ. სექტემბრის 22.  
ქ. ტფილისი, — სასახლე.


### დადგენილება № 75

საქართ. სოც. საბჭ. რესპ. რევ. კომიტეტისა  
დამზღვევი კასის მონაწილეთათვის დახმარების ნორმის გადილების შესახებ.

1. დამზღვევი კასის მონაწილე მუშა-მოსამსახურეთათვის ერთდროული დახმარების არსებული ნორმები ამა 1921 წლის სექტემბრის 15-დან გადილებულ იქნეს ოთხასი პროცენტით — სახელდობრ:

- ა) 1—5 წლის ბავშვის სიკვდილის გამო — სასოციალური ათასი (75.500) მან.
- ბ) 5—14 წლის ბავშვის სიკვდილის გამო — სასოციალური ათასი (125.000) მან.
- გ) 14 წლისაზე მეტი ხნის ბავშვის სიკვდილის გამო — სასოციალური ათასი (175.000) მანეთი.
- დ) კასის მონაწილის გარდაცვალების გამო — ორასოროცდაათი ათასი (250.000) მან.





ე) კასის მონაწილის მეუღლის მშობიარობის გამო — ორასიათასი (200.000) მან.

2. ნაცვლად დღემდე არსებულ ნორმისა (ძირითად ჯამაგირის  $\frac{3}{4}$  —  $1\frac{1}{2}$ ), კასის მონაწილის ავადმყოფობის გამო დახმარება ამა წლის სექტემბრის 15-დან დაწყდეს გაძლიერებული ნორმით, სახელდობრ: არა ნაკლებ ძირითადი ჯამაგირის რაოდენობისა და არა უმეტეს ერთი ორად გადიდებული ჯამაგირისა.

საქ. სოც. საბჭ. რესპ. რევ. კომიტ. თავმჯდ. მოადგილე ს. ქავთარაძე.

შრომის სახ. კომ. მოადგ. ა. შიქაძე.

რევ. კომიტ. მდივანი ალ. სალარიძე.

1921 წ., სექტემბრის 22.

ტფილისი, — სასახლე.

### დადგენილება № 76

საქართ. სოც. საბჭ. რესპ. რევ. კომიტეტისა

„ბავშვის კვირის“ მოწყობის შესახებ.

1. მოწყობილ იქნეს „ბავშვის კვირა“ საქართველოს საბჭოთა რესპუბლიკის გაჭირვებულ და ეკონომიკურად დასუსტებულ ბავშვებისათვის დახმარების აღმოსაჩინად.

2. „ბავშვის კვირა“ დაიწყო 1921 წ. ოქტომბრის 15-დან 22-მდე.

3. „ბავშვის კვირის“ გასამართავად დაარსდეს კომიტეტები, — რევოლუციონური კომიტეტებისა, კომუნისტური პარტიისა, სასურსათო კომიტეტებისა, ჯანმრთელობის განყოფილებათა და განათლების დაწესებულებათა წარმომადგენელთაგან შედგინილი — განათლების დაწესებულებათა წარმომადგენლების თავმჯდომარეობით, — როგორც ცენტრსა, ისე ადგილობრივ.

4. მთლად რესპუბლიკის მცხოვრებნი მოწოდებულ იქნენ, — რათა გაიღონ ზემოაღნიშნული კომიტეტების განკარგულებისათვის ნებაყოფლობითი შეწირულება ყოველგვარი იმით, რაც აუცილებელია ბავშვთა გამოსაკვებად და პირველ საქიროების საგნების მისაწოდებლად.

5. „ბავშვის კვირის“ მთელი შემოსავალი პროდუქტებად უნდა ჩაბარდეს მოსაგროვებელ პუნქტებს და განაწილებულ უნდა იქნეს განათლებისა და ჯანმრთელობის სახალხო კომისარიატების შეთანხმებით.

6. ფულად შემოსული შემოწირულება უნდა გადაეცეს განათლების სახალხო კომისარიატის კასას.

7. ადგილობრივი კომიტეტები ვალდებული არიან — საჩის დღის ვადაზე წარუდგინონ ცენტრალურ კომიტეტს ციფრობრივი ცნობები შემოსავლის შესახებ.

8. წესს ამა დადგენილების მოქმედებაში შესვლისა, „ბავშვის კვირის“ მოწყობისა, შემოწირუ-

ლების შეკრებისა და შენახვისა შეიმუშავებს „ბავშვის კვირის“ ცენტრალური კომიტეტი, რომელიც საქართველოს სოც. საბჭ. რესპ. განათლების სახალხო კომისარიატთან უნდა დაარსდეს.

9. რესპუბლიკის ყველა დაწესებულება ვალდებულია სრული და მრავალხრივი დახმარება აღმოუჩინოს კომიტეტებს „ბავშვის კვირის“ გასამართავად.

საქ. რევ. კომიტეტის თავმჯდომარის მოადგილე ს. ქავთარაძე.

განათ. სახ. კომ. მოადგ. დ. კანდელაკი.

რევ. კომიტეტის მდივანი ალ. სალარიძე.

1921 წ., სექტემბრის 27.

ტფილისი. — სასახლე.

### დადგენილება № 77

საქართ. სოც. საბჭ. რესპ. რევ. კომიტეტისა

თავთავიანი პურეულის ნატურალური გადასახადის ჩაბარების უკანასკნელი ვადის შეცვლის შესახებ.

რადგანაც რესპუბლიკის ზოგიერთ რაიონში თავთავიანი პურეულის აკრეფა დაგვიანდა, — საქართველოს სოც. საბჭ. რესპ. რევოლუციონური კომიტეტი ადგენს:

1. პურის ნატურალური გადასახადის დიკრეტის (№ 60) მე-9 მუხლის ნაწილობრივ შესაცვლელად — ნება მიეცეს სასურსათო სახალხო კომისარიატს — განსაზღვროს, თავისი შეხედულებით, უკანასკნელი ვადა პურის გადასახადის აღსრულებისა ხორბლისა, ქერისა და შვრიის ჩაბარების შესახებ, — დიკრეტით დადგენილის — 1921 წლის ოქტომბრის 1-ს ვადის ნაცვლად.

2. დადგენილება ესე ძალაში შედის დღიდან მისი გამოქვეყნებისა.

საქ. რევ. კომიტ. თავმჯდომარის მოადგილე ს. ქავთარაძე.

სასურსათო სახალხო კომისრის მოადგილე ნ. ამირალოვი.

რევ. კომიტეტის მდივანი ალ. სალარიძე.

1921 წ., სექტემბრის 29.

ქ. ტფილისი. — სასახლე.

### დადგენილება № 78

საქ. სოც. საბჭ. რესპ. რევოლ. კომიტეტისა

მეტალიტების მობილიზაციის შესახებ.

სახალხო მეურნეობის მოთხოვნილებათა დასაკმაყოფილებლად და მის წარმოებათა კვალიფი-

ციური მეტალისტების საქმარ რიცხვით უზრუნველყოფისათვის, საქართველოს რევოლიუციონური კომიტეტი ადგენს:

1. გამოცხადებულ იქნეს რესპუბლიკის საზღვრებში მცხოვრებ მეტალისტთა მოზილიზაცია.

2. მოზილიზაციის განხორციელება და სათანადო წესის შემუშავება დაეკისროს შრომის სახალხო კომისარიატს.

3. შრომის სახალხო კომისარიატს მიეცეს უფლება საქიროებისამებრ გამოსცეს მეტალისტების მოზილიზაციასთან დაკავშირებული ბრძანებანი და ინსტრუქციები.

4. დადგენილება ესე ძალაში შედის დღიდან მისი გამოქვეყნებისა.

საქ. სოც. საბ. რესპ. რევ. კომიტ. თავმჯდ. მოადგილე ს. ქავთარაძე.

შრომის სახ. კომ. მოადგილე ა. მიქაძე.

რევ. კომიტ. მდივანი ალ. სალარიძე.

1921 წ., სექტემბრის 30. ტფილისი. —სასახლე.

### დადგენილება № 79

საქ. სოც. საბჭ. რესპ. რევ. კომიტეტისა

ბანდიტიზმის მოსახსოვად სათანადო ღონისძიებათა მიღების შესახებ.

ბანდიტიზმი რესპუბლიკაში თანდათან მუდმივი მოვლენის ხასიათს იღებს. ბანდიტთა ბრბოების მოქმედება მიმართულია საბჭოთა ხელისუფლების ავტორიტეტის საფრთხელად და მუშათა და გლეხთა მონაპოვართათვის დიდ საფრთხეს წარმოადგენს.

ამ საფრთხის ასაცილებლად საქართველოს რევოლიუციონური კომიტეტი ადგენს:

1. ბანდიტიზმი განხილულ და შეფასებულ უნდა იქნეს როგორც ყოველად საშიში კონტრ-რევოლიუციონური მოვლენა და რესპუბლიკის ტერიტორიაზე მომქმედი ბანდიტთა ყოველი ბრბო უნდა მოისპოს სულ მოკლე ხანში სავსებით და უღმობელად.

2. ამ ბრბოთა ლიკვიდაცია დაეკისროს საქართველოს საგანგებო კომისიას.

3. ამასთანავე ეცხადება ყოველ ბანდიტს, რომ ვინც მათგანი ათი დღის განმავლობაში ამა დადგენილების გამოქვეყნების დღიდან, იარაღს დაპყრის და მშვიდობიან შრომას დაუბრუნდება, — მიენიჭება სიცოცხლე და თავისუფლება.

4. წინადადება ეძლევა რესპუბლიკის ყოველ მოქალაქეს — გაუწიოს საქართველოს საგანგებო კომისიას სრული და ნამდვილი დახმარება მისთვის დაევალებული საქმის შესასრულებლად და ამასთანავე ნუ დაივიწყებს თავის მოვალეობას, რომ უნდა აცნობოს ხოლმე საქართველოს საგანგებო კომისიას და ადგილობრივ პოლიტიკურ ბიუროს —

ბანდიტების შემადგენლობა, მათი უდვილ-სამყარი ფელი, განზრახვანი და სხვ. ამისთვის

საქ. რევ. კომიტეტის თავმჯდომარის მოადგილე ს. ქავთარაძე.

რევ. კომიტეტის მდივანი ალ. სალარიძე.

1921 წ., ოქტომბრის 3.

ქ. ტფილისი. —სასახლე.

### დადგენილება № 80

საქ. სოც. საბჭ. რესპ. რევოლ. კომიტეტისა დაწესებულებათა, წარმოებათა და ქარხნების მიერ მუშა-მოსამსახურეთა სიების სავალდებულო შემოღების შესახებ.

1. ყოველი დაწესებულება, ქარხანა და წარმოება ვალდებულია შემოიღოს მუშა-მოსამსახურეთა სიები შემდეგი ფორმით:

- 1) სახელი, მამის სახელი და გვარი;
- 2) დაბადების წელი;
- 3) სად დაიბადა (მამრა, ქალაქი, თემი);
- 4) მისამართი (მიწერილობის ადგილი);
- 5) ოჯახის ადგილ-საცხოვრებელი;
- 6) სპეციალობა (თუ რამდენიმეა, — ჩამოითვალოს ყველა);
- 7) რა თანამდებობა უჭირავს, ან რაგვარ მოვალეობას ასრულებს);
- 8) დაწესებულებისა ან წარმოების სამსახურში შესვლის დრო;
- 9) დამოკიდებულება სამხედრო ბეგარასთან;
- 10) მიღებული სწავლა-განათლება;
- 11) დრო და მიზეზი დათხოვნისა.

2. აღნიშნული სიები შემოღებულ უნდა იქნეს ყოველი დაწესებულებისა და წარმოების მიერ ორი კვირის განმავლობაში დღიდან ამა დადგენილების გამოქვეყნებისა და სათანადო წესით წარმართული დაწესებულებისა და წარმოების გამგეთა პასუხისმგებლობით.

3. ამა დადგენილების აღუსრულებლობისათვის, — თუნდ ნაწილობრივადაც, დამნაშავე პასუხისგებაში მიცემულ უნდა იქნეს შრომის დეზერტირობის მიმშვეებლობისა და დახმარებისათვის.

4. შრომის სახალხო კომისარიატს და მის ადგილობრივ ორგანოებს დაევალებათ თვალყურის დევნება ცენტრში და ადგილობრივ ამ დადგენილების ასრულებისათვის, ხოლო აღსრულებლობისათვის დამნაშავეთა პასუხისგებაში მიცემა.

5. დადგენილება ძალაში შედის დღიდან მისი გამოქვეყნებისა.


საქ. რევ. კომიტეტის თავმჯდომარის მოადგილე ს. ქავთარაძე.

შრომის სახ. კომ. მოადგილე ა. მიქაძე.

რევ. კომიტეტის მდივანი ალ. სალარიძე.

1921 წ., ოქტომბრის 3.

ტფილისი. —სასახლე.



# დადგენილება № 81.

საქ. სოც. საბჭ. რესპ. რევოლ. კომიტეტისა  
ოქტომბრის რევოლუციის ოთხი წლის თავის  
დღესასწაულის მოწყობის შესახებ.

1. ოქტომბრის რევოლუციის ოთხი წლის თავის დღესასწაულის მოსაწყობად დაარსდეს ცენტრალური კომისია, სადაც შევლენ წარმომადგენლებად: საქართველოს კომუნისტური პარტიის ცენტრალურ კომიტეტისაგან აშხ. ა. თუმანიშვილი, კომუნისტურ ახალგაზრდათა კავშირის ცენტრალურ კომიტეტისაგან—აშხ. სემერლიევა, ცალკე კავკასიის არმიისაგან—აშხ. ვოსკრესენსკი, საქართველოს წითელ არმიისაგან—აშხ. ერმანი, პროფესიონალურ კავშირთა საბჭოსაგან—აშხ. ყურულაშვილი, კომუნისტური პარტიის ტფილისის კომიტეტისაგან—აშხ. ივანოვი და განათლების სახალხო კომისარიატისაგან—აშხ. კანდელაკი.

**შენიშვნა:** ცენტრალურ კომისიაში თავმჯდომარეობს საქართველოს კომუნისტურ პარტიის წარმომადგენელი.

2. მაზრებში და რაიონებში, იმავე პრინციპის მიხედვით, არსდება ადგილობრივი კომისიები, ადგილობრივ პარტიულ კომიტეტის წარმომადგენლის თავმჯდომარეობით.

3. ცენტრალური კომისია, თავისივე შეხედულებით, გამოიყენებს დახმარე კომისიებს და ცალკე პირთ.

**შენიშვნა:** ყოველი დახმარე კომისია და კერძო პირი ვალდებულია იქონიოს ცენტრალური კომისიის თავმჯდომარის ხელმოწერილი და საქ. კომუნ. პარტიის ცენტრალურ კომიტეტის ბეჭედ-დასმული მანდატი.

4. დღესასწაულის პროგრამას და ხარჯთაღრიცხვას შეიმუშავებს ცენტრალური კომისია და დაამტკიცებს საქართველოს რევოლ. კომიტეტს.

5. ყოველი განკარგულება დღესასწაულის მოწყობის შესახებ უნდა იყოს ცენტრალური კომისიის თავმჯდომარის მიერ ხელმოწერილი და საქ. კომ. პარტიის ცენტრ. კომიტეტის ბეჭედ-დასმული, ხოლო ადგილობრივ—იქაური კომისიის თავმჯდომარის ხელმოწერილი და პარტიულ კომიტეტის ბეჭედ-დასმული.

6. ყველა სახელმწიფო დაწესებულება მოვალეა გაუწიოს ოქტომბრის რევოლუციის ოთხი წლის თავის დღესასწაულის მომწყობ ცენტრალურ და ადგილობრივ კომისიებს ყოველგვარი დახმარება.

საქ. რევ. კომიტ. თავმჯდომარის  
მოადგილე ს. ქავთარაძე.

რევ. კომიტეტის მდივანი ალ. სალარიძე.

1921 წ., ოქტომბრის 7.  
ტფილისი.—სასახლე.

# დადგენილება № 83

საქ. სოც. საბ. რესპ. რევოლუცი. კომიტეტისა

დაწესებულებათა და წარმოებათა შტატების შემამკირებელი კომისიების დებულების შესახებ.

რადგანაც საჭიროება მოითხოვს, რომ საბჭოთა ყოველ დაწესებულებასა და წარმოებაში თანამშრომელთა პირადი შედგენილება, რაც შეიძლება, შესაძრევად და ამასთანავე მიზანშეწონილად იქნეს შემკირებული, საქართველოს სოც. საბჭ. რესპ. რევოლუციონური კომიტეტი ადგენს.

1. დაარსდეს შრომის სახალხო კომისარიატთან და სამხრო შრომის განყოფილებასთან საშტატო კომისიები ხუთი წევრის შედგენილობით: ორი წარმომადგენელი პროფესიონალური კავშირების სათანადო საკავშირთაშორისო კრებულისაგან, ორი წარმომადგენელი შრომის სახალხო კომისარიატისა, ხოლო ადგილობრივ შრომის განყოფილებისაგან, და ერთი წარმომადგენელი მუშათა და გლეხთა ინსპექციის სახალხო კომისარიატისაგან.

2. კომისიის მოვალეობას შეადგენს:

- ა) გამოკვლევა, თუ რამდენად შეესაბამება თანამშრომელთა პირად შედგენილობას დაწესებულებათა სამუშაოს რაოდენობა და მათი აგებულებრივი წყობილების ხასიათი;
- ბ) განსაზღვრა, თუ რამდენად შეიძლება შემკირებულ იქნეს თანამშრომელთა პირადი შედგენილობა;
- გ) შემუშავება ძირითადი პრინციპებისა, — შტატების შემკირების გამო, თანამშრომელთა დათხოვნისათვის — განსაზღვრულ რაოდენობამდე;
- დ) თვალყურისდევნება, — რათა კომისიის მიერ განსაზღვრული და სათანადო წესით დამტკიცებული — შტატების შემკირება ფაქტიურად აღსრულებულ იქნეს;
- ე) შემუშავება და განსაზღვრა დაწესებულებათათვის ნორმალური და მტკიცე შტატებისა;
- ვ) განხილვა და გადაწყვეტა ყოველი საკითხისა, რაც შეიძლება აღიძრას მუშაობის პროცესში დაწესებულების თანამშრომელთა რიცხვის ფაქტიურად შემკირებისა და მტკიცე შტატების შემოღების გამო.

3. შტატების შემამკირებელ კომისიას ევალება გამოიკვლიოს დაწესებულების მდგომარეობა ამა დაწესებულების წარმომადგენელთა (იღმინისტრაციისა და თანამშრომელთა ადგილობრივ კომიტეტისა) და აგრეთვე სათანადო კავშირის ეკონომიური განყოფილების წარმომადგენლის აუცილებელი მონაწილეობით.

4. დაწესებულების თანამშრომელთა პირად შედგენილობას შეამოწმებს ადმინისტრაცია ადგილობრივ სატარიფო შეფასებელი კომისიის დასკვნის თანახმად და იმ პრინციპების მიხედვით, რაც შეუძლებელია საშტატო კომისიის სათანადო პროფესიონალურ კავშირთან ერთად.

5. შტატის შემცირება, რომელსაც საშტატო კომისია საქაროდ სცნობს ამა თუ იმ დაწესებულების მიერ შრომის სახალხო კომისარიატისა ან შრომის განყოფილებისაგან სათანადო მიწერილობის მიღების დღიდან; ამასთანავე დაწესებულება ვალდებულია გაუგზავნოს შრომის სახალხო კომისარიატს ან შრომის ადგილობრივ განყოფილებას, — არა უგვიანეს ერთი კვირისა, შტატის ფაქტიურად შემცირებამდე, — ცნობა შტატის შემცირების გამო სამსახურიდან დასათხოვნი თანამშრომელთა შესახებ, თანახმად ფორმებისა, რომელსაც შეიმუშავებს შრომის სახალხო კომისარიატი.

6. ყოველგვარ მასალას დაწესებულებაში შტატების ფაქტიურად შემცირების შესახებ ადმინისტრაცია და ადგილობრივი სატარიფო-შემფასებელი კომისია, მუშაობის დამთავრების შემდეგ, დაყოვნებლივ წარუდგენენ შრომის სახალხო კომისარიატს ან შრომის განყოფილებასთან არსებულ საშტატო კომისიას.

7. დაწესებულებათა ვითარების გამოკვლევით შეგროვილი მასალისა და შტატების ფაქტიურად შემცირების გამოცდილების მიხედვით, საშტატო კომისია, სათანადო პროფესიონალურ კავშირთან ერთად, შეიმუშავებს გამოკვლეულ დაწესებულებათათვის ნორმალურ, მტკიცე შტატებს და პროექტს მათი აგებულებრივი წყობილების შეცვლის შესახებ.

8. თვითთელი ცალკე წარმოების გამოკვლევის შემდეგ, კომისია, სათანადო პროფესიონალურ კავშირსა და ადმინისტრაციასთან ერთად, — ყოველ თავის წინადადებას დაწესებულების აპარატის გაუმჯობესების შესახებ, დაკავშირებულს შტატის შემცირებასა, რეკონსტრუქციასა, მტკიცე შტატების დაწესებათა და სხვ. — წარმოადგენს დასამტკიცებლად სათანადო რეგულიაციონურ კომიტეტში.

9. ყოველი ადგილობრივად არსებული კომისია, რომელიც ასრულებს ამ დებულების მიზნებს, უნდა გაუქმდეს და ყოველი თავისი ნამუშევარი და მასალები გადასცეს ამ დებულების საფუძველზე დაარსებულ საშტატო კომისიას.

10. შტატების შემცირებისა და მტკიცე შტატებისა და დაწესებულებათა რეკონსტრუქციის პროექტის შემუშავების საქმის დამთავრების შემდეგ, სამაზრო საშტატო კომისიები წარუდგენენ შრომის სახალხო კომისარიატთან არსებულ კომისიას მოხსენებას მათ მიერ წარმოებული მუშაობის შესახებ.

11. შრომის სახალხო კომისარიატს და საქართველოს პროფესიონალურ კავშირთა საბჭოს ნება ეძლევა ამა დადგენილების განსავითარებლად

და განსამარტებლად გამოსცეს სათანადო ინსტრუქციები.

12. დებულება ესე ძალაში შედის დღიდან მისი გამოქვეყნებისა.

საქ. რევ. კომიტ. თავმჯდომარის მოადგილე **ბ. ქავთარაძე.**

შრომის სახ. კომისარის მოადგ. **ა. მიქაძე.**

რევ. კომიტეტის მდივანი **აღ. ხალარაძე.**

1921 წ., ოქტომბრის 12.

ქ. ტფილისი, — სასახლე.

### ბრძანება № 82

საქ. სოც. საბჭ. რესპ. რევოლ. კომიტეტისა.

1. რათა ავტომობილების მოძრაობა — როგორც მსუბუქისა, ისე სატვირთოსი — ქალაქ გარედ სათანადოდ მოწესრიგებულ იქნეს, აღკრძალულია ავტომობილების გასვლა თბილისის გარედ საამისოდ დაწესებული ნებართვის მიუღებლად.

2. საქართველოს სოც. საბჭ. რესპუბლიკის ყოველმა დაწესებულებამ, საქულბაქომ და წარმოებამ, რომელსაც ესაჭიროება ქალაქ გარედ ავტომობილით გასვლა ან ტვირთის გატანა, უნდა მიმართოს საქართველოს საგანგებო კომისიის საამისოდ დაწესებული ნებართვის მისაღებად. სხვა რამ ნებართვას და დოკუმენტს არავითარი ძალა არა აქვს ქალაქ გარედ გასვლისათვის.

აქედან გამონაკლისს შეადგენს ცალკე კავკასიის არმიის ავტომობილები, რომელთაც ნებართვა უნდა მიეცეს ამა არმიის შტაბისა — შტაბის უფროსისა და სამხედრო კომისარის ხელისმომწერითა.

3. ყველა, ვინც ავტომობილით მიმავალი ან ბარგის გამყოლი შეეცდება ნებადაურთველად გასვლას, — დაჭერილ უნდა იქნეს და გაიგზავნოს საქართველოს საგანგებო კომისიაში — ამა ბრძანების დარღვევისათვის კანონიერ პასუხისგებაში მისაცემათ.

საქ. რევ. კომ. თავმჯდომარის მოადგილე **ბ. ქავთარაძე.**

რევ. კომიტეტის მდივანი **აღ. ხალარაძე.**

1921 წ. სექტემბრის 22.

ტფილისი. — სასახლე.

### ბრძანება № 83

საქ. სოც. საბ. რესპ. რევ. კომიტეტისა.

1. საქართველოს სოც. საბჭ. რესპ. რეგულიაციონური კომიტეტის ამა 1921 წ. სექტემბრის 12-ს დადგენილებით, სამხედრო და საზღვაო საქმეთა სახალხო კომისარის მოადგილე **ამხ. კვანტალიანი** განთავისუფლებულია ამ თანამდებობიდან.



2. საქართველოს სოც. საბ. რესპ. სამხედრო და საზღვაო საქმეთა სახალხო კომისარის მოადგილედ დანიშნა ამხ. აღნიაშვილი, პეტრე სიმონის ძე.

საქ. სოც. საბ. რესპ. რევ. კომ. თავმჯ. მოადგ. ს. ქავთარაძე.

სახედრო და საზღვაო საქმეთა სახ. კომისარი შ. ელიავა.

რევ. კომიტ. მდივანი აღ. სალარიძე.

1921 წ. სექტემბრის 22. ტფილისი—სასახლე.

### ბ რ ძ ხ ნ ე ბ ა № 84

საქ. სოც. საბჭ. რესპ. რევ. კომიტეტისა.

საქართველოს სოც. საბჭ. რესპ. რევოლიუციონური კომიტეტის ამა 1921 წ. სექტემბრის 23-ს დადგენილებით, სამხედრო და საზღვაო საქმეთა სახალხო კომისარის მეორე მოადგილედ ინიშნება გენერალური შტაბის ამხ. კუზნეცოვი, ბორის ინოკენტის ძე.

საქ. სოც. საბ. რესპ. რევ. კომ.

თავმჯ. მოადგ. ს. ქავთარაძე.

სამხ. და საზღვაო საქ. სხ. კომისარი შ. ელიავა.

რევ. კომ. მდივანი აღ. სალარიძე.

1921 წ. სექტემბრის 24. ტფილისი—სასახლე.

### ბ რ ძ ხ ნ ე ბ ა № 85

საქ. სოც. საბ. რესპ. რევ. კომიტეტისა

საქართველოს სოც. საბჭ. რესპ. რევოლიუციონური კომიტეტის ამა 1921 წ. სექტემბრის 1-ს დადგენილებით, ამხ. ფრანგულიანი დანიშნულია ჯანმრთელობის სახალხო კომისარიატის კოლეგიის წევრად.

საქ. სოც. საბ. რესპ. რევ. კომ. თავმჯ. მოადგ. ს. ქავთარაძე.

რევ. კომ. მდივანი აღ. სალარიძე.

1921 წ. სექტემბრის 29. ტფილისი—სასახლე.

### ბ რ ძ ხ ნ ე ბ ა № 86.

საქ. სოც. საბჭ. რესპ. რევ. კომიტეტისა.

1. საქართველოს სოც. საბჭ. რესპ. რევოლიუციონური კომიტეტის ამა 1921 წ. ოქტომბრის 12-ს დადგენილებით საქართველოს წითელი ლაშქრის უფროსი

ალექსანდრე სიმონის ძე აღნიაშვილი განთავისუფლებულია ამ თანამდებობიდან.

2. საქართველოს წითელი ლაშქრის უფროსის მოვალეაბის დროებით აღსრულება ეკისრება საქართველოს სოც. საბჭ. რესპ. სამხედრო და საზღვაო სახალხო კომისარის მოადგილეს ამხ. პეტრე სიმონის ძე აღნიაშვილს.

საქ. სოც. საბჭ. რესპ. რევ. კომ. თავმჯ. მოადგ. ს. ქავთარაძე.

რევ. კომ. მდივანი აღ. სალარიძე.

1921 წ., ოქტომბრის 12. ტფილისი.—სასახლე.

### დ ე ბ უ ლ ე ბ ა

საქართველოს სოც. საბ. რესპ. რევოლიუციონური კომიტეტისა

ცეცხლისაგან დაცვის განყოფილების შესახებ.

#### I. კომპეტენცია განყოფილებისა

1. შინაგან საქმეთა სახალხო კომისარიატის კომუნალური მეურნეობის მთავარ სამმართველოსთან დაარსებულ იქნეს ცეცხლისაგან დაცვის განყოფილება საქართველოს სოც. საბჭ. მთელი რესპუბლიკისათვის.

2. ცეცხლისაგან დაცვის განყოფილებას ექვემდებარება მთლად საქართველოს სოც. საბჭოთა რესპუბლიკაში ცეცხლისქრობის ყოველი საქმე, სახელდობრ:

ა) ყოველი ცეცხლისმქრობელი რაზმი, სადარაჯო და ცეცხლისმქრობელი სხვა ორგანიზაცია, როგორც პროფესიონალური, ისე მოხალისეთა და საბევრო, მათ შორის,—გამოუკლებლივ—სამხედრო, სარკინისგზო და სანავთსადგურო, რაც-კი იმყოფება საქართველოს ტერიტორიაზე;

ბ) აღრიცხვა ცეცხლის საწინააღმდეგო ყოველგვარი ძალისა რესპუბლიკაში იმ აზრით, თუ რამდენია: ცეცხლისმქრობელი რაზმი, მოხალისეთა გუნდი, პირადი შედგენილობა, ტექნიკური გაართულობა და ხელსაწყო;

გ) ცეცხლის გაჩენის სტატისტიკა;

დ) ცეცხლის ქრობის ინსპექცია, რომლის ფუნქციას შეადგენს:

I. თვალყურის დევნება და კონტროლი იმისათვის, თუ რამდენად სისწორით სრულდება—ცეცხლისაგან დაცვის განყოფილების სავალდებულო დადგენილება, განკარგულება და ბრძანება;

II. თვალყურის დევნება და კონტროლი,—თუ როგორ სწარმოებს ცეცხლისგან დაცვის განყოფილების მიერ დანიშნული გამოკვლევა ცეცხლის გაჩენის საქმისა—ქალაქებში, სოფლებში, ფაბრიკებში, ქარხნებში, რკინისგზისა და წყლის ტრანსპორტის მოწყობილობაში; სარტილერიო-სა-

სურსათო და საეკონომიკური საწყობებში, საბაჟო პაკაუზებში და ყოველ, — გამოკლებლივ, — წარმოებასა, დაწესებულებასა და მეურნეობაში, რაც საჭიროებს განსაკუთრებულ სერიოზულ ცეცხლის-მძღველსა და ცეცხლის საწინააღმდეგო მოწყობილობას, რათა მიეცეს მათ სათანადო დარღვევა — ცეცხლისაგან უზრუნველყოფისათვის და მასთან საბრძოლველად საჭირო ღონისძიებათა მისაღებად;

III. ხელმძღვანელობა და თვალყურის დევნება ადგილობრივ ინსტრუქტორებისა და ცეცხლისმქრობელი რაზმებისა და გუნდების უფროსთა საქმიანობისათვის მთლად რესპუბლიკაში;

IV. გამოცდის მოხდენა ცეცხლისმქრობელი რაზმის ახლად დანიშნული უფროსებისათვის, აგრეთვე ასეთივე გამოცდა სამსახურში მყოფ ცეცხლისმქრობელ რაზმის უფროსისათვის;

V. აინსტრუქტორო ხელმძღვანელობა და რევიზიის მოხდენა ადგილობრივ ცეცხლისმქრობელ ორგანოთათვის, ცეცხლისაგან დაცვის განყოფილების წინადადებით და სხვა მისი მინდობილობის აღსრულება.

გ) ცეცხლისქრობის დამხმარე ყოველი დაწესებულება, რომელიც მიხედავად იქნება საჭიროდ ცეცხლისაგან დაცვის საქმიანობის სწორედ დაყენებისა და განვითარებისათვის.

3. ცეცხლისაგან დაცვის განყოფილება შეიმუშავებს მთლად რესპუბლიკისათვის ყოველგვარ სავალდებულო დადგენილებას — ცეცხლის მიმართ გაფრთხილებისა და თავიდან აცალკების საწინასწარო ღონისძიებათა შესახებ.

4. ამტკიცებს თანამდებობაზე ყოველ ახლად დანიშნულ ინსტრუქტორს, ცეცხლისმქრობელი რაზმის უფროსს და მანქანების და ქალაქების რევიზორულ-საპროექტის ცეცხლისმქრობის ქვე-განყოფილების გამგეს, რომელთაც მიიწვევს სამსახურში ქალაქისა და მაზრის კომუნალური განყოფილება.

II. კონსტიტუცია:

5. საქართველოს სოც. საბჭ. რესპუბლიკაში ცეცხლისაგან დაცვის განყოფილების სათავეში სდგას ქ. ტფილისის ბრანდმაიორი, რომელსაც ეწოდება — ცეცხლისაგან დაცვის ინსპექტორი რესპუბლიკაში; იგი არის სრული პასუხისმგებელი მთლად ცეცხლისმქრობის საქმისა — განყოფილების კომპეტენციის ფარგლებში.

6. განყოფილებას აქვს — ქვე-განყოფილებანი: საქალაქო, სამაზრო, საშარაგო და საინსტრუქტორო, რასაც სათავეში უდგანან გამგეები, რომელნიც უშუალოდ ემორჩილებიან ცეცხლისაგან დაცვის განყოფილების ინსპექტორს.

7. საქალაქო ქვე-განყოფილების გამგებლო-

ბაში შედის ყოველი ცეცხლისმქრობელი რაზმი სადარაჯო და სხვა ცეცხლისმქრობელი ორგანიზაცია რესპუბლიკის შემდეგ ქალაქებისა: ტფილისისა, ბათუმისა, ქუთაისისა და ფოთისა.

შენიშვნა: ქიათურა, როგორც სამრეწველო ცენტრი, საქალაქო ქვე-განყოფილების გამგებლობაშია; მართვა ამ ქვე-განყოფილებისა დაევალება რესპუბლიკის ცეცხლისაგან დაცვის ინსპექტორს.

8. სამაზრო ქვე-განყოფილება ხელმძღვანელობას უწევს მთლად ცეცხლისმქრობის საქმეს მაზრაში, კომუნალური მეურნეობის განყოფილების ქვე-განყოფილებათა საშუალებით და სამაზრო ქვე-განყოფილების გამგის მეთაურობით.

9. მომარაგების ქვე-განყოფილება განაგებს ცეცხლისმქრობელი რაზმებისა და ორგანიზაციების ყოველგვარ სამარაგო საქმეს მთლად საქართველოს რესპუბლიკის ტერიტორიაზე, მართავს პირადი შედგენილობის საქმისწარმოებას, — აწარმოებს მთლად ინვენტარის აღრიცხვას და ფულისა და მატერიალურ ანგარიშს და მოაწყობს ცეცხლის ქრობის სარემონტო სახელოსნოებს.

10. საინსტრუქტორო ქვე-განყოფილება გაუწევს საინსტრუქტორო ხელმძღვანელობას და კონტროლს ყოველ ორგანოს, რომელიც ექვემდებარება ცეცხლისაგან დაცვის განყოფილებას რესპუბლიკაში; მოაწყობს ახალ ნაწილებს, განყოფილების წინადადების თანახმად, შეიმუშავებს სავალდებულო დადგენილებათა პროექტებს; განიხილავს საკითხს ცეცხლის საწინააღმდეგო ღონისძიებათა შესახებ; თვალყურს ადევნებს განყოფილების მიერ გამოცემულ სავალდებულო დადგენილებისა, განკარგულებისა და ბრძანების სათანადო აღსრულებას ცეცხლისმქრობის სწავლის საქმეს და აწარმოებს ცეცხლის გაჩენის სტატისტიკას. ამ ქვე-განყოფილების გამგებლობა დაევალება რესპუბლიკაში ცეცხლისაგან დაცვის განყოფილების ინსპექტორის თანაშემწეს.

III. ცეცხლისაგან დაცვის სამაზრო ქვე-განყოფილებანი.

11. ცეცხლისაგან დაცვის განყოფილების ორგანობად მაზრაში ითვლებიან ცეცხლისაგან დაცვის ქვე-განყოფილებანი. რომელნიც მოეწყობიან სამაზრო კომუნალური მეურნეობის განყოფილებასთან ცეცხლისაგან დაცვის განყოფილების ქვე-განყოფილების უფლებით.

12. ცეცხლისაგან დაცვის სამაზრო ქვე-განყოფილების სათავეში სდგას გამგე, რომელსაც შინაშეა მზრის აღმასრულებელი კომიტეტი (რევ. კომ.) და ამტკიცებს თანამდებობაზე შინაგან საქმეთა სახალხო კომისარიატის მთავარი კომუნალური მეურნეობის სამმართველოს ცეცხლისაგან დაცვის განყოფილება; ჯანასკნელს უფლება აქვს სამაზრო აღმასრულებელ კომიტეტის მიერ წარმოდგენილი კანდიდატების დასაბუთებულად უკუქცევისა. ხოლო იმ შემთხვევაში, თუ შეთანხმება არ



მოხდა, საკითხს გადასწყვეტს შინაგან საქმეთა სახ. კომისარიატის კოლეგია.

13. ცეცხლისაგან დაცვის სამაზრო ქვე-გან-ყოფილების გამგის თანამდებობისაგან გადაყენებისა და დათხოვნის უფლება აქვს მაზრის აღმასრულებელ კომიტეტს, ცეცხლისაგან დაცვის განყოფილებისათვის შეტყობინებისა და მისი დასტურის მიღების შემდეგ.

**შენიშვნა:** უკეთუ ადგილობრივ არ მოიპოვება ცეცხლისქრობის საქმისთვის შესაფერო კანდიდატი, მთავარი კომუნალური მეურნეობის ცეცხლისაგან დაცვის განყოფილებას უფლება აქვს — უშუალოდ დანიშნოს სამაზრო ქვე-განყოფილების გამგე და სხვა პასუხისმგებელი მომუშავე ცეცხლისქრობის საქმისათვის.

14. რესპუბლიკაში ცეცხლისაგან დაცვის განყოფილებას უფლება აქვს, — საჭიროებისადაგვარად, გადაიყვანოს ცეცხლისაგან დაცვის სამაზრო ქვე-განყოფილებისა, სათემო და სასოფლო ცეცხლისმქრობელი რაზმები. საკომანდო შედგენილობა და თანამშრომლები სხვა ადგილას, — შინაგან საქმეთა სახალხო კომისარიატის მთავარი კომუნალური მეურნეობის განყოფილების სამმართველოსადმი გაცემული ბრძანებით, — ასეთი ბრძანება აღსრულებულ უნდა იქნეს საომარი ბრძანების აღსრულების წესით.

15. ცეცხლისაგან დაცვის სამაზრო ქვე-განყოფილების (კომუნალურ მეურნეობისა) ხელთ არის მაზრის ტერიტორიაზე არსებული ყოველი ცეცხლისმქრობელი რაზმისა და ორგანიზაციის მართვა-გამგეობა და მომარაგება, აგრეთვე ცეცხლისქრობის ბეგარის ხელმძღვანელობა.

16. ყოველი ბრძანება და განკარგულება რესპუბლიკაში ცეცხლისაგან დაცვის განყოფილებას, უნდა აღსრულებულ იქნეს ცეცხლისაგან დაცვის სამაზრო ქვე-განყოფილების მიერ აუცილებლად; უკეთუ განყოფილების ამა თუ იმ განკარგულებას მაზრის ქვე-განყოფილება არ ეთანხმება, იგი ამ განკარგულებას განახიერებს — სამაზრო აღმასრულებელი კომიტეტის საშუალებით — შინაგან საქმეთა სახალხო კომისარიატის კოლეგიის წინაშე, ხოლო თვით განკარგულების აღსრულებას არ შეაჩერებს.

17. ცეცხლისაგან დაცვის სამაზრო ქვე-განყოფილებანი აწარმოებენ მაზრის ქალაქებისა და სოფლების მოსახლეობისა, ფაბრიკა-ქარხნებისა, საწყოებისა და სხვა საზოგადოებრივი დანიშნულების დაწესებულებათა მდგომარეობის გამოკვლევას ცეცხლის გაჩენის მხრით; თვალ-ყურს ადევნებენ ცეცხლის საწინააღმდეგო წესის, განკარგულების და სავალდებულო დადგენილების სათანადოდ ასრულებას: — აგრეთვე ხიდეებისა და მდინარეთა მისადგომ აღმართ-დაღმართების წესიერად აგება-კეთებას, მოვლასა და შეკეთებას; შეიმუშავენ მაზრებისათვის ცეცხლის საწინააღმდეგო ღონისძიებათა გეგმას, რომელსაც დასამტკიცებლად, — კომუნალური მეურნეობის განყოფილების საშუა-

ლებით, — წარუდგენენ მაზრის აღმასრულებელ კომიტეტს და რესპუბლიკაში ცეცხლისაგან დაცვის განყოფილებას.

18. ცეცხლისაგან დაცვის სამაზრო ქვე-განყოფილება ხელს შეუწყობს ყოველგვარი მისაწდომი საშუალებით ცეცხლის საწინააღმდეგო ტექნიკური ცოდნის გავრცელებას ხალხში.

19. მაზრის ყველა სოფელში, სადაც საჭიროდ იქნება მიჩნეული, მოეწყობა ცეცხლისმქრობელი რაზმი, გუნდი, როგორც პროფესიონალური, ისე მოხალისეთა და ბეგარა-ვალდებულთა. მათ სათავეში უდგანან ცეცხლისქრობის ხელმძღვანელები (ბრანდმეისტერი) ან რაზმის უფროსნი, რომელნიც პირდაპირ ექვემდებარებიან მაზრაში ცეცხლისაგან დაცვის საქმის გამგეს.

20. დებულება ესე ძალაში შედის დღიდან მისი გამოქვეყნებისა.

საქ. ს. ს. რ. რევოლუციონური კომიტეტის თავმჯდომარე ბ. მდივანი.

შინაგ საქმეთა სახ. კომისარი ბ. კვიციანი.

რევ. კომიტეტის მდივანი ალ. სალარიძე.

1921 წ. აგვისტოს 31.

ტფილისი. — სასახლე.

## შინაგან საქ. სახ. კომისარ.

### დადგენილება

შინ. საქ. სახ. კომისარიატისა.

შინ, საქ. სახ. კომისარიატმა, განიხილა რა შორაპნის მაზრის ხუნევის თემის სოფ. გოლისის მცხოვრებთა განცხადება, რომლითაც ისინი შუამდგომლობენ სოფელ გოლისის ხუნევის თემიდან გამორიცხვას და ლიჩის თემზე მიწერას, და მიიღო რა მხედველობაში: ა) რომ, როგორც სჩანს შორაპნის მაზრის დაწვრილებითი (ხუთვერსტიან მაშტაბით შედგენილის) რუქიდან, სოფელი გოლისი-ლიჩის თემთან უფრო ახლო მდებარეობს, ვიდრე ხუნევის თემთან (შორაპნის მაზრის რეკომის სიტყვით, ეს სოფელი პირველიდან დაშორებულია 6 ვერსტით, ხოლო მეორედან — 12 ვერსტით) ბ) რომ მიმოსვლა სოფელ გოლისისა და ხუნევის თემს შორის მეტად გაძნელებულია, ნამეტურ ზამთრობით, ხოლო ლიჩის თემთან მიმოსვლა შედარებით ადვილია; გ) რომ გოლისის მკვიდრთ მეტი კავშირი აქვთ ლიჩის თემთან, ვიდრე ხუნევთან და დ) რომ ხელისუფლების ადგილობრივი ორგანო, რომელიც მთელი მაზრის მკვიდრთა ინტერესების წარმომადგენელია — შორაპნის მაზრის რეკომი, იზიარებს რა სოფელ გოლისის მცხოვრებთა მოსაზრებებს, სავსებით მხარს უჭერს მათ შუამდგომლობას დაადგინა:

1) გამორიცხულ იქმნას სოფ. გოლისი შორაპნის მაზრის ხუნევის თემიდან და მიწერილ იქმნას იმავე მაზრის ლიჩის თემზე და 2) ასლი ამ დადგენილებისა

გაეგზავნოს შორაპნის მაზრის რევეკომს და მილიციის უფროსს სათანადო განკარგულებათა მოსახდენათ.

შინ. საქ. სახალხო კომისარის  
მოად. ნ. სოკოლოვსკი.

ადმინისტრ. ერთეულთა განყოფილების  
გამგე გრ. გველესიანი.

### დადგენილება

შინ. საქ. სახ. კომისარიატისა

შინ. საქ. სახ. კომისარიატმა, განიხილა რა შორაპნის მაზრის სოფ. ხორითის მცხოვრებლების ა. წ. 3 იენისს შემდგარ საზოგადო კრების ოქმი, რომელზედაც მათ დაადგინეს აღძრან სათანადო შუამდგომლობა მთავრობის წინაშე, რათა სოფ. ხორითი ხორაგაულის თემიდან გადარიცხულ იქნას ლაშეღვერკის თემში და მიიღოს რა მხედველობაში: ა) რომ სოფ. ხორითი ხორაგაულის თემის ადმინისტრაციულ ცენტრიდან სამჯერ მეტის მანძილითაა დაშორებული, ვიდრე ლაშეღვერკის ასეთივე ცენტრიდან, რასაც თავის მხრით ადასტურებს შორაპნის მაზრის რევეკომიც, ბ) რომ, მაშასადამე. სოფ. ხორითის მცხოვრებთათვის ადმინისტრაციული, სასამართლო თუ კულტურული დაწესებულებანი ლაშეღვერკისა უფრო ხელმისაწვდომია, ვიდრე ასეთივე დაწესებულებანი ხორაგაულის თემისა და გ) რომ, ლაშეღვერკის თემი მცხოვრებთა რაოდენობით გაცილებით მცირეა (462 კომლია), ვიდრე ხორაგაულის თემი (1853 კომლი), დაადგინა: 1) გამორიცხულ იქმნას სოფ. ხორითი შორაპნის მაზრის ხორაგაულის თემიდან და მიწერილ იქმნას იმავე მაზრის ლაშეღვერკის თემზე და 2) ასლი ამ დადგენილებისა გაეგზავნოს შორაპნის მაზრის რევეკომს და მილიციის უფროსს სათანადო განკარგულებათა მოსახდენათ.

შინ. საქ. სახალხო კომისარის  
მოად. ნ. სოკოლოვსკი.

ადმინ. ერთეულთა განყოფილების  
გამგე გრ. გველესიანი.

1921 წ. სექტემბრის 27.

## მიწად-მოქმედების სახ. კომის.

მიწად-მოქმედების სახალხო კომისარიატის  
ცირკულიარი № 5.

### მიწის ღალის ანუ იჯარის შესახებ.

(მიწად-მოქმედების კომისარიატის ცირკულიარის № 3 დასამატებლათ და განსამარტავათ). მიუხედავად იმისა, რომ მიწად-მოქმედების სახალხო კომისარიატის მიერ რამდენიმეჯერ იქნა ახსნილი და განმარტებული ღალის ანუ მიწის იჯარის საკითხი (იხ. ცირკულიარი № 3 და სახალხო კომისარის ახსნა განმარტება სამაზრო რევეკომების და მიწის სამაზრო განყოფილებების მიმართ აგვისტოს 3 რიცხვიდან, ვაზეთ „კომუნისტი“ № 129, გამოცემული შემდეგ ცალკე წიგნაკათ)

ეს საგანი ალაგ-ალაგ სოფლად ჯერ უკიდურეს შემთხვევაში გაუგებრობას იწვევს.

ამიტომ მიწად-მოქმედების სახალხო კომისარიატი ამ ნიადაგზე ყოველივე გაუგებრობის მოსახპობათ, თანახმად მიწის დეკრეტისა (№ 17) და სხვა და სხვა დროს გამოცემულ ახსნა-განმარტებათა, განმეორებით აცხადებს, რომ ძალაში რჩება:

**პირველათ**, კომისარიატის ცირკულიარის № 3 პირველი მუხლი, რომელიც ამბობს: არავინ გასცეს მიწა სამუშაოდ ქირით ან ღალით, გარდა წვრილ შვილებიანი ქვრივი დედაკაცებისა, სამხედრო, ან სამოქალაქო სამსახურში მობილიზაციით გაწვეულთა და ისეთი პირებისა, რომლებიც დასწეულების ან ღრმა მოხუცებულების გამო თვითონ ვერ შეძლებენ მიწის დამუშავებას და არც ოჯახში ეყოლებათ მიწის მუშაკი“, ამ მუხლის სისწორით გასაგებათ და ცხოვრებაში აღვილად გასატარებლათ საქირთა შემდეგი ახსნა-განმარტებით ვიხელმძღვანელოთ:

ა) ამ მუხლს საერთოთ დროებითი ხასიათი აქვს, ე. ი. ის ძალაში დარჩება მანამ, სანამ მუშათა და გლეხთა სახელმწიფო შესძლებდეს აქ ჩამოთვლილ ოჯახების არსებობის სავსებით უზრუნველყოფას (სოციალური უზრუნველყოფა);

ბ) ყოველ შემთხვევაში ამ მუხლში იგულისხმება მიწის ისეთი ნაკვეთების გაცემა, რომლებიც საშუალო ნორმას არ აღემატებიან, ე. ი. ისეთ ნორმას, რომელიც საქირთა საშუალო ოჯახის მოთხოვნილებათა დასაკმაყოფილებლათ;

გ) სამხედრო და სამოქალაქო სამსახურში მობილიზაციით გაწვეულთ შეუძლიანთ, რა თქმაუნდა, დროებით, სანამ იმათ მუშურ-გლეხური სახელმწიფო უზრუნველყოფს, საღალოთ მიწის გაცემა მხოლოდ იმ შემთხვევაში, თუ ისინი ოჯახის ერთად-ერთი მარჩენელნი არიან და სხვა მარჩენალი ოჯახს არ მოეპოვება;

დ) რაც შეეხება წვრილშვილიან ქვრივ დედაკაცებს, ამათ, რა თქმაუნდა, შეუძლიანთ მათ სარგებლობაში არსებული არა უმეტეს საშუალო ნორმის მიწა გასცენ საღალოთ; მაგრამ ბევრათ უფრო მისაღები და ხელსაყრელი იქნება, როცა ასეთ მიწებს დაუმუშავებს მათ მუქათათ, უსასყიდლოთ, მთელი სოფელი ან თემი.

**მეორეთ**, ძალაში რჩება აგრეთვე ამავე ცირკულიარის (№ 3) მეორე მუხლი, სახელდობრ: „საზიაროთ გაცემული წვრილი და საშუალო ზომის მიწების შესახებ პირობები უნდა ძალაში დარჩეს ამ წლის მოსავლის მოწვევამდე“. სამწუხაროდ, ამ ნათელ და აღვილად გასაგებ მუხლის აზრი და მნიშვნელობა უმეტეს ნაწილად ვერ გაუგიათ და მას ხსნიან და განმარტავენ სრულებით სხვა-ნაირად; მაგალითად, სიტყვა „საზიარო“ ესმით „როგორც „საღალოთ“. ეს პირდაპირ გადასხვაფერება ან გაყალბებაა ამ მუხლის მთელი მნიშვნელობის. საზიარო ნიშნავს თანამშრომლობით ან ამხანაგურ ურთიერთობას ორი ან რამოდენიმე პირისას, და სრულებით არა ქირით ან საღალოთ მიწის გაცემას. ასე ესმოდა ეს სიტყვა მიწად-მოქ-





მედების კომისარიატს წინეთ, (იხილეთ Вестник Комис. Вн Дел. № 4) და ასევე მისი ეს სიტყვა მას დღესაც, და სხვა ნაირად გაგება ამისი შეუძლებელია. ამ მუხლის ძალით არას გზით არ შეიძლება მიწის სარგებლობისათვის ღალის აღება, რასაც, სამწუხაროდ, ალაგ-ალაგ თურქე აღვილი ქონებია ჩვენში. ყველაფერი ეს აუცილებლათ უნდა გამოაწორდეს, თანახმად იმ განმარტებისა, რომელსაც ჩვენ აქ ვიძლევიით.

ამ ნაირათ, ხსენებულ ცირკულიარის მეორე მუხლი ეხება ისეთ შეძახვევას, როცა ორი ან რამოდენიმე პირი, წვრილი ან საშუალო ზომის მიწების პატრონები ერთმანეთს პირობას უდებენ და მოსავალს ინაწილებენ, ურთიერთ შეთანხმებით.

ასეთ პირობების გაბათილება და არ ცნობა, — ეს იქნებოდა წვრილი და საშუალო გლეხკაცების ინტერესების წინააღმდეგ წასვლა, და, ამკარაა მიწად-მოქმედების სახალხო კომისარიატი ასე ვერ მოიქცეოდა.

მიწად-მოქმედების სახალხო კომისარიატი კიდევ ერთხელ აცხადებს, რომ ძველ ურთი-ერთობათა უკან დაბრუნება ან აღდგენა შეუძლებელია, მიწის საღალათ გაცემა გაუქმებულია. ყველა რევოლუციონურ სამაზრო და სათემო კომიტეტებს და აგრეთვე მიწად-მოქმედების სამაზრო განყოფილებებს ევალებათ მთელი პასუხისმგებლობა ყველა დადგენილებათა და ახსნა-განმარტებათა ცხოვრებაში გასატარებლათ, და თუ მათ შეხვდებათ რაიმე გაუგებრობა ან დაებადებათ რაიმე ეჭვი სხვა და სხვა საკითხის გადაჭრის დროს ღალის ან მიწის იჯარის ნიადაგზე აღძრულის, სამაზრო და სასოფლო რევკომების და მიწად-მოქმედების აღვილობრივი განყოფილებები ვალდებულნი არიან დაუყონებლივ მიმართონ ყველა ამის შესახებ პირდაპირ მიწად-მოქმედების სახალხო კომისარიატს ან მასთან არსებულ განსაკუთრებულ საადგილ-მამულ კომისიას და იქიდან მიიღონ პასუხი.

კომისარიატი აცხადებს, რომ მიწის საკითხის საერთო და საადგილ-მამულო დავის კერძოთ გადაჭრის დროს, თუ მოხდება გადახრა კანონიდან ეს გადახრა უნდა ხდებოდეს მშრომელი, ღარიბ-ღატაკი, გლეხკაცების, და არა მდიდარის ან მუქთა-ხორების სასოგებლოთ. აი მთავარი გეზი, რომლითაც უნდა ხელმძღვანელობდენ საბჭოთა ხელისუფლების ყველა აღვილობრივი ორგანოები და იმათი ცალკე წარმომადგენელნიც.

მიწად-მოქმედების სახალხო კომისარი ფ. მახარაძე.

**წარმოების სალორქონებლად.**

სახალხო კომისართა საბჭოს დიდძალი შვენელოვანი დადგენილება მუშებისა და მოსამსახურეთა შრომის ფასის მიცემის ახალი წესის შესახებ\*)

16 სექტემბერს, სახალხო კომისართა საბჭომ მოიწონა და მიიღო შემდეგი „ძირითადი დებულებები“

\*) „ბედნოტა“ № 1027, 1921 წ. 18 სექტემბერი.

ბა ტარითის საკითხის შესახებ“, რომელიც წინა-სწარ განხილულ იყო სრულიად რუსეთის ფესიონალური კავშირთა ცენტრალური საბჭოსა და რუსეთის კომუნისტური პარტიის ცენტრალური კომიტეტის მიერ.

**ნუ იქნება ინტენერი—მეჯინიბე და მემანქანე—მებაღე!**

ახალი ეკონომიური პოლიტიკა გულისხმობს ზომების მთელ სისტემას, რომელიც მიმართულია სახალხო მეურნეობის ასალორქინებლად. მრეწველობის ყოველი დარგი, ყოველი ცალკე წარმოება, ვალდებულია აწარმოოს სწორი და სასტიკი ანგარიში ნედლი და სხვა ყოველგვარი მასალის, წარმოების, ფაბრიკატების ღირებულების და სხ. წარმოება უნდა მოეწყოს უღვეფიციტო წარმოების პრინციპის მიხედვით (იმათ გამოკლებით, რომელიც სახელმწიფო მეურნეობის სისტემაში აუცილებელ მოვლენას წარმოადგენს, იმის მიუხედავად თუ რამდენად სასარგებლოა სამეურნეო თვალსაზრისით, როგორც მაგალითად თავდაცვის საშუალება და სხ.).

თავდაპირველად უნდა შეიცვალოს სატარიფო სისტემა, როგორც ძირითადი ფაქტორი მრეწველობის განვითარებისა. სატარიფო სისტემას საფუძვლად უნდა დაედვას რეალური საფუძველი, უნდა მოხდეს სატარიფო სისტემის მაქსიმუმად გამარტივება, გამოყოფვა საერთო და სახმარი სასუთსათო და პროდუქტების ფონდის მუშებისა და მოსამსახურეთათვის, რომლებიც სახელმწიფო მრეწველობაში არიან ჩაბაქლნი. უნდა გამოეყოს წარმოებას ყველაფერი ის, რაც პირდაპირ არაა დაკავშირებული მასთან და სოციალური უზრუნველყოფის ხასიათს ატარებს უნდა დაქვიდრდეს მტკიცე კავშირი მუშებისა და მოსამსახურეების არძოებასა და დაწესებულებებთან. სახელმწიფო დახმარება საბავშვო ბაღების, სახლების, თავშესაფარის და სხ. სახით, არამც დაარამც არ უნდა იყოს დაკავშირებული შრომის ფასთან. აღნიშნულ დებულებათა და შრომის ფასის სისტემის გატარება, მიგვიყვანს იქამდე, რომ წარმოების გაოშემო მოხდება თვითმობილიზაცია კვალიფიციური მუშა ძალებისა. ჩვენ ვერ ვნახავთ მომავალში ინტენერს, რომელსაც უფროსი მეჯინიბის თანამდებობა ეჭიო, ან სასუთსათო ნაწილის გაძვეთ იყო, ან და საზარეულოს ქუთქლის და მოწყობილობის შეკეთებას აწარმოებდა; ჩვენ ვერ ვნახავთ მომავალში აგრეთვე კვალიფიციურ მუშებს, რომლებიც კარტოფილს რგავდენ და სანაგვე ორმოებს ასუფთავებდენ.

რეალური საფუძვლებიდან გამომდინარე სატარიფო სისტემა, არის მუშათა კლასის ორგანიზაციის, წარმოების ძირითადი ელემენტი მთავარი ფაქტორი.

**1. მეტს მუშაობ—მეტი მიიღე.**

სატარიფო ნორმის დროს, უნდა გამოვდიოდეთ შემდეგი დებულებიდან: ხელფასის მინიმუმი—შრომის მ ნიმუში.

ხელფასის გადიდება უნდა იყოს პირდაპირ და უმეშვეოდ დაკავშირებული შრომის ნაყოფიერების გადიდებასა და წარმოების ამალღებაში მუშის მონაწილეობის რაოდენობასთან.

**2. ყველაფერი რაც ნატურით რიგდება, უნდა ანგარიშებულ იქნეს შრომის ფასში საშრო შეფასების მიხედვით.**

შრომის საფასურში უნდა შედიოდეს ყველაფერი, რასაც ღებულობენ მუშები და მოსამსახურენი, მაგალითად:

- ა) ფული;
- ბ) ბინა, გათბობა, განათება, წყალი;
- გ) სასურსათო და სახმარი საგნები;
- დ) ტანსაცმელი, უფასო მიღება და სხ.
- ე) პარაკმახერი, აბანო, თეატრი, პროდუქტები ბაღებიდან და სამეურნეო საბჭოებიდან, და აგრეთვე წარმოებისა და დაწესებულებათა მიერ წარმოებული ხარჯები და სხვა სამსახური, რომელსაც იძლევიან კომუნალური განყოფილებანი;
- ვ) შიმოსვლის საშუალება: რკინის გზა, ტრამვაი, საბარგო ავტომობილი და სხ.
- ზ) საოჯახო ულუფა, ან სხვა სამუშაო ხელფასის დამატება, რომელიც ეძლევა მოსამსახურეს, ან მუშას ოჯახისათვის;

სახელმწიფოს მიერ გაღებული, ყოველგვარი სამსახური (ნატურით მიცემა) უნდა იქნეს შეფასებული ბაზრის ფასების მიხედვით, რომ მუშას და მოსამსახურეს ჰქონდეთ შეძლება ნათლად და ცხადად შეუგუონ ერთმანეთს რეალური შემოსავალი და გასავალი, რომ შეიგნონ ინტენსიური შრომის საჭიროება, რაც იძლევა საჭირო საცხოვრებელ საშუალებას.

სამუშაო ხელფასი უნდა იყოს დაკავშირებული წარმოებაში მხოლოდ მუშის მონაწილეობასთან, მისი (ხელფასის) ამალღება კა—წარმოების ნაყოფიერების გადიდებასთან.

**3. ფულის და სანოვანის გაღება უნდა მოხდეს იმ ადგილას, სადაც მუშაობა სწარმოებს.**

მუშისა და მოსამსახურეთათვის, ყველაფერი იმის მიცემა, რაც შედის მის ხელფასში, უნდა ხდებოდეს მხოლოდ და მხოლოდ წარმოების და დაწესებულების საშუალებით, „მხოლოდ და მხოლოდ ქარხნის მმართველობის საშუალებით“, რომ კავშირი მუშისა და მოსამსახურის წარმოებასა და დაწესებულებასთან სრული იყოს.

**4. რაც შეიძლება ნაკლები ჭკუის ძალადატანებული ტაბლიცები, რაც შეიძლება მეტი სიმართივე და სინათლე ტარიფებში.**

ხელფასის გამოანგარიშების სისტემა იმდენად მარტივი და ნათელი უნდა იყოს, რომ ადვილად გასაგები შეიქნეს კავშირი ნაწარმოებსა და ხელფასის შორის, ყოველი მუშისა და მოსამსახურესათვის.

სისტემა უნდა იყოს მოქნილი და თავისუფალი, რომ ნაწარმოების და დაწესებულების გამგეო-

ბას შეეძლოს დაუყოვნებლივ გააჩიოს გამოჩენილი ინიციატივის და თვითმოქმედების და სათანადო ნაქაზებით იძულოს მუშა და მოსამსახურე იმავე მიმართულებით მუშაობის გაგრძელებაში.

**5. გამართვით შეფასება ნარდათ სამუშაოსი.**

ნარდათ სამუშაოსათვის ფასის დადგენის დროს, უნდა იქნეს გამოყენებული ის გამოცდილება, რომელიც არის მრეწველობის ყველა მსხვილ დარგში; უნდა უარყოფილ იქნეს ყველა არა ბუნებრივი, რთული და მუშებისათვის გაუგებარი სისტემა.

მოწყობილობის ხარისხი, მანქანების გაცვეთა. ნედლი მასალის აკვარგიალობა და სხვ. უნდა იქნეს მიღებული მხედველობაში, რომ მუშებისაგან დამოუკიდებელმა გარემოებამ არ იქონიოს გავლენა შრომის ხელფასის მდგომარეობაზე.

**6. არა გამათანასწორებელი გაყოფა, არამედ სასყიდელი დამსახურებისა და სპეციალობის მიხედვით.**

სხვა და სხვა კვალიფიკაციის მუშებისათვის, მოსამსახურეებისა, საშუალო ტენიკური და მაღალი ადმინისტრაციული პერსონალისათვის, სატარიფო ნორმების გამომუშავების დროს, გაათანასწორების შესახებ ყოველივე ფიქრი უნდა უკუგდებულ იქნეს.

მაღალი ადმინისტრაციული პერსონალის და კვალიფიციური მუშების რიცხვი, რომელიც მუშაობს რომელიმე წარმოებასა და დაწესებულებაში, არ უნდა აღემატებოდეს გადაწყვეტილ პროცენტს იმ მუშების და მოსამსახურეთა მთელი მასისას, რომელიც იმყოფება რომელიმე წარმოებაში.

**7. წარმოებას მიაწოდე მასალა არა მუშების, არამედ დამზადებულის რაოდენობის მიხედვით.**

რაციონალურად წაყვანა მრეწველობის ახალი სამეურნეო პოლიტიკის საფუძველზე შესაძლებელია მხოლოდ იმ შემთხვევაში, როდესაც სახელმწიფოს მიერ გამოყოფილი იქნება სურსათის, სახმარებელი საგნების და ფულის ნიშნების მტკიცე ფონდი, იმ მუშებისა და მოსამსახურეთათვის, რომლებიც მუშაობენ წარმოებასა და დაწესებულებებში. ამასთან საჭიროა კატეგორიულად უარყოფილ იქნეს მიცემა სურსათისა წარმოებაში გართული მუშების რიცხვის მიხედვით; გაცემა უნდა ხდებოდეს არა მუშების და მოსამსახურეთა რაოდენობის, არამედ მხოლოდ და მხოლოდ წარმოების მიერ გამოშვებული ფაბრიკატის ერთეულის მიხედვით.

**8. წარმოებას, რომელმაც ვერ მიიღო სასყიდლის ფონდი სრულად, შეუძლია შეავსოს იგი საკუთარი ნაწარმოების პროდუქტიდან.**

სახელმწიფო მუშებისა და მოსამსახურეთათვის დანიშნული სამუშაო ქირის ფონდი, უნდა იყოს იმის გარანტია, რომ ზევით დასახელებული წესის მიხედვით, მსხვილ მრეწველობაში და სახელმწიფოსათვის საჭირო წარმოებასა და დაწესებულებაში, შრომის ფასი იქნება დაკავშირებულია



უკანისკენელი ჩარიცხულ იქნებიან უზრუნველყოფილ შრომის ფასის ანაზღაურების დარგში სახალხო კომისარია საბჭოს დადგენილებით. (Гарантированная оплата).

**შენიშვნა:** თუ კი სახელმწიფო ვერ შეძლებს, რომელიმე მიზეზის გამო, თავის დროზე მიაწოდოს წარმოებას ფონდის ხვედრი ნაწილი, მაშინ წარმოებას სახალხო მეურნეობის უმაღლესი საბჭოსა და სრულიად რუსეთის პროფესიონალური კავშირების საბჭოს დადგენილებით, უფლება ეძლევა, გამოაყოს საკუთარი ნაწარმოებიდან ნაწილი და შეიქნას საკუთარი ფონდი, მუშების ხელფასის დასაკმაყოფილებლად.

• დგილობრივი მნიშვნელობის წარმოება, რომელიც არაა შეტანილი საერთო სახელმწიფო მობარაგებაში და არ სარგებლობს ნედლი მასალით, სათბობით და სხვ. სახელმწიფოს საერთო რესურსით, შესაძლებელია გადაყვანილ იქნენ თავიანთი წარმოების პროდუქტების გამოყოფით ფონდის შექმნაზე, საოლქო და სოფლებრივი ეკონომიური თათბირის დადგენილებით.

**9. ხელფასის რაოდენობის ცვლილება თან უნდა მიხდებოდეს მანეთის კურსის ცვლილებას.**

ამ ფონდიდან შრომის ხელფასის ნამდვილად ანაზღაურების მიზნით აუცილებელია, რომ მანეთის კურსის და სანოვავის ფასების ცვლილებასთან ერთად, შრომის ხელფასის ჯამიც შესაფერისად იცვლებოდეს, რომ მსხვილი მრეწველობის და სახელმწიფოსათვის უსაქიროეს წარმოებისა და დაწესებულების მუშებს და მოსამსახურეთ, ჰქონდეთ მტკიცე, ძირითადი მანიმუმი, რომელიც არ იქნება დამოკიდებული მანეთის კურსის და სანოვავის ფასის ცვლილებიდან.

ცვალებადი დამატებითი ხელფასი იმისი, რასაც ნატურით ღებულობენ ამ წარმოების და დაწესებულების მუშები და მოსამსახურეები, უნდა ქმნიდეს რწმენას იმისას, რომ სურსათის და დროებითი დაბრკოლების დროს, ხვედრი ხელფასი მუშისა და მოსამსახურის მიერ ასრულებული შრომისა, იქნება სრულიად უზრუნველყოფილი.

**10. რისგანაა დაკავშირებული სასყიდლის ახალი პირობების გატარება?**

მაგრამ, ამ ღებულებათა ჩაფუშვას თავიდან ასაცილებლად, საჭიროა მიღებულ იქნეს მეთოდი, წარმოების და მრეწველობის ახალი, უზრუნველყოფილი ანაზღაურების (Гарантированная оплата) პირობებში, თანდათანობითი გადაყვანისა, სათანადო წარმოების სამეურნეო ანგარიშის საფუძველზე გადასვლისა (შემოსავლიანობის) და სახელმწიფო რესურსების გაუმჯობესებასთან ერთად.

გადასვლის პირობები და ვადა უნდა დადგენილ იქნეს სახალხო მეურნეობის უმაღლესი საბჭოს, სრულიად რუსეთის პროფესიონალური კავშირთა ცენტრალური საბჭოს, სასურსათო და ფინანსთა სახალხო კომისარიატის შეთანხმებით.

**11 უზრუნველყოფილი ანაზღაურების სისტემაზე გადასვლის შემდეგ, ნატურ. ფონდში ყოველთვიური გადაარაცხვა უნდა მოიხსიას.**

იმ წარმოებათათვის, რომელიც გადაყვანილი იქნება საერთო სახელმწიფო ფონდიდან უზრუნველყოფილი ანაზღაურების პირობებში (Гарантированная оплата), საკუთარი ნაწარმოებიდან ყოველთვიურად ნატურ ფონდში პროდუქტების გადაარიცხვა, იმ სახით, როგორც ეს დადგენილია, ახლა უნდა მოიხსიას. შესაძლებელია პრემიალური დაჯილდოების დაშვება წლის ბოლოს, ან წელიწადში არა უფრო ხშირად ვინემ ორჯერ, პირველი მისისა და შეიდი ნოემბრისათვის წარმოების ბალანსის შედგენისას და იმ შემთხვევაში, თუ ამ ვადის განმავლობაში მუშაობა იყო ინტენსიური და წარმოებამ სახელმწიფოს განსაზღვრული შემოსავალი მისცა.

**შენიშვნა:** მუშაობის დარგში განსაკუთრებულად ღირსაღსანიშნავი შემთხვევების დროს პრემიების მიცემა წლის განმავლობაში უნდა ხდებოდეს იმ ცალკე ფონდიდან, რომელიც ეძლევა ქარხნის შმარათველობას.

**12. უმუშევრად დარჩენილი მუშების უზრუნველსაყოფელი ნორმების შესახებ.**

ახალი ეკონომიური პოლიტიკაზე გადასვლის გამო, ან დროებით შეჩერებული წარმოებაში დაბანდებული უმუშევრად დარჩენილი მუშები, გადადიან განსაზღვრული ნორმების მიხედვით სახელმწიფოს ხარჯზე, რომლის რაოდენობა სასტიკად უნდა იქნეს განსაზღვრული სახელმწიფოს რესურსების ოდნობით, იმ სპეციალური ღებულების თანახმად, რომელსაც შეიმუშავებს სრულიად რუსეთის პროფესიონალური კავშირის ცენტრალური საბჭო და შრომის და სოციალური უზრუნველყოფის სახალხო კომისარიატი, სასურსათო და ფინანსთა სახალხო კომისარიატებთან შეთანხმებით.

სახალხო კომისარია საბჭოს თავმჯდომარე ვ. ულიანოვი (ლენინი)

საქმეთა მმართველი ნ. გორბუნოვი.

მდივანი ლ. ფოტიევი.

# არა-ოფიციალური განყოფილება

## დიდი გაკვეთილი

რუსეთის ხალხს დიდი უბედურება ეწვია. მშრომელ რუსეთს თავს დაატყდა სტიქიური საშინელება. ბუნებამ გასწირა ადამიანი და მის წინაშე საბედისწერო დილემა წამოაყენა. — შიმშილობას განიცდის ვოლგის ნაპირების სოფლის მეურნეები. შიმშილის შეუბრალებელი ღმერთი დათარეშობს და სატანაური ხარხარით სცვლავს განწირულთა სოციალურ სტრუქტურას. დამშეულდება პირუტყვებით შიშქამეს მცენარეულობა, გადაიბოლახეს ველები და მინდვრის გულსაც ჩასწვდნენ ბარით, ქვემძრომთა მოსანადირებლად. დამშეულთა რიცხვი მილიონებია. ბევრები დახოცილ დედების ძუძუებს სძიან. შიმშილმა მოწამლა ადამიანის გონებაც. მშიერ გლეხს გამოჰყავს ცხენი, მისუსტებული ხელებით აბამს „ფურაში“ და მშიერ-ტიტველი ცოლ-შვილით მიდის! საითკენ? ეს მან თითონაც არ იცის! ამ საშინელი მგზავრობის შიზანი შიმშილის საიდუმლოებაა! დამშეული სავსებით ემორჩილება სტიქიურ ტერორს, ეხოდან გადაბარებული უკანაც ვერ ატეხება, რომ ერთხელ კიდევ გადაჰხდოს ოდესღაც საყვარელ კარ მიდამოს. მას ამის ეშინია! შიმშილმა გახურებული შანთით ამოსწვა მისი გულიდან მშობლიურ კერის სიყვარული და შარა გზაზე გამოაგდო. ისიც მიდის უცნობი გზით. მას მიჰყვება ათასები, მილიონები განწირულ თანამგზავრობისა!.. გამუდმებულ თრევა ხეტილში, ამ ჯოჯოხეთურ პირობებში ერთი მეორეზე იხოცებიან ქალები, ბავშვები... დანარჩენები კი ისევ მიდიან სანამ შიმშილის ცელი არ ჩაჰკრავს შრომის უღლით დაშვებულ კისერს... საშინელია ეს სურათი! გონების ამრევია მისი შინაარსი! ამ უბედურებამ სახმაურა მთელი ქვეყანა. ქვეშა-რიტად, ეს უდიდესი მები დაეცა არა მარტო რუსეთს, არამედ მთელ მსოფლიოს, მთელ კაცობრიობას როგორც ლახვარი და უკანასკნელი ჭკვეთილი! რუსეთის განაწამებ გლეხობისაგან ეს მები მოითხოვს ფიზიკურ მსხვერპლს, თანამედროვე „განათლებულმა“ კაცობრიობამ კი შესწირა მას სინდისი და მთელი თავისი მორალური ავლადი-ლება! ცოდვილ კაცობრიობას მოეგლინა ეს ტრაგედია „განათლებულ და კულტურულ ადამიანის“ უგრძობო გულის და ბოროტი სულის გამოსამზეურებლად. რუსეთის გლეხობის შიმშილს საქვეყნოდ უნდა ემხილებია „მოწინავე ევროპის“ გუმანიური ყოყოჩობა. აქ რა იყო სადავო! რა იყო აქ გაურკვეველი! მზემ ამოსწვა მუშების საზრდო ჰიზანხული, სიკვდილის ცელმა უღმობელად შემოხაზა ვეებერთელა ადგილი, ნაადრევ მსხვერპლად განწირული უდანაშაულო ხალხი წარსდგა მის უღმობელ მსჯავრის წინაშე და ყველა მათ, ვისაც კი აქვს პრეტენზია ადამიანის სახელის ტა-

რებისა, უნდა გაეწვინათ დამშეულებსაკენ ხელი უანგარო და ძმური დახმარებისა. შემზარავ ტრაგედის წინაშე უნდა დაშვებულ იყოს პარტიული დროშები, უნდა განელგებულ იყოს პოლიტიკური შეხეთქება და დაუნდობელი ბრძოლა დროებით მაინც ადამიანის წინაშე ადამიანურ მოვალეობის მოხდას უნდა შეეცვალოს! კაცობრიობას უნდა მიეღო ყოველგვარი ზომები სიკვდილის კლანჭებიდან ათეულ მილიონ მშრომელთა გამოსაგლეჯათ. ამას მოითხოვდა ქვეყნის სინდისი და თავმოყვარეობა! მაგრამ საქმეც იმაშია, რომ ასეთი შეხედულება „კულტურულ“ ევროპაზე შემცდარი და გულუბრყვილო აღმოჩნდა. ეს „ნაღები“ თანამდროვე თაობისა, ეს ხშირად მთელი მსოფლიოს მწუხრის „მოამაგე“ შარლატანები, გუმანისტები სიტყვით, ვაპირები საქმით, ვერ ასცილდნენ კლასიურ ბოროტებას და რუსეთის დამშევის გაგებისთანავე იარაღი მოიმარჯვეს! ჯერ თითქოს კიდევაც ემზადებოდნენ გლეხების დახმარებისთვის, გულკეთილობის ნიღაბიც ჩამოიფარეს, მაგრამ როდესაც დამშეულთა დახმარების საკითხი დაისვა არსებითად და პრაქტიკულად, მშიერ ხალხს პურის მაგიერ ტყვიები მიაწოდეს! პარიზის ბირჟეეციების მიერ რუსეთზე პოლონეთის დაჩქარებული წამობეზღება ვოლგის გლეხობის შიმშილით იყო გამოწვეული და ეს მაშინ, როდესაც მილიონობით მშიერ ტიტველი ბავშვები მიმკრთალის ხმით პურის ნატებს გვევდრებიან! ეს არის „განათლებულ“ ევროპის საუკეთესო გრძობების გადაუმეტებელი ფასი და ღირებულება! ასეთი უტიფარი შეუღრეკლობით შეეცადა არისტიდ ბრიანი რუსეთის თვით-მპყრობელ ჯალათის ძველი თამასუქების განაღდებას. ამგვარ „სამართლიან“ და „ალტრუისტულ“ ზომას მიმართა დახმარებულმა ანტანტამ, ამ ყოველგვარ სამართლიანობის გამაუზბატიურებელმა მსოფლიო დემონმა!. ეხლა ბრძანაც უნდა გაეხილოს თვალები. ეხლა მაინც გამოჩანოს სწორი გზა ქვეშაირტებისაკენ იმ გულუბრყვილობა, რომელთაც ჯერ კიდევ სჯეროდათ ბურჟუაზიის გუმანიური ძიდრეკილებახი. მოსკოვის პრესის ცნობით, სატანტო ქალაქების უმდიდრეს უბნებში დამშეულთა დასახმარებლად შეუგროვებიათ მხოლოდ ცხრა შაური! აქვს კი რაიმე საერთო ასეთ მაგალითს ადამიანურ გრძობასთან? სრულიად არაფერი! აქ ჩვენ საქმე გვაქვს ორფეხა მნეცებთან, რომლებიც ყოველ პირობებში მუშის ყელის გამოლადრაზე ოცნებობენ! დღეს ამაში უნდა დარწმუნდეს ყველა, ვინც კი ცხოვრობს პატროსანი შრომით, ვისაც მწარე ოფლი სდის საარსებო პურისათვის, ვისაც აქვს პატივი და ღირსება იდგეს მშრომელთა მსოფლიო ლაშქრის რაზმებში. რუსეთის გლეხობის შიმშილი „განათლებულ კაცობრიობის“ სინდისის შესაფასებლად არის მოვლინებული. ის თავს დაატყდა მშრომელ რუსეთს მქო-

ნებელთა კლასებს, ბურჟუა—მყოფეფელების კაცი ქამების უკანასკნელ გაკვეთილად. მაძლარი მშინგის არ დაეხმარება. მუშას ბურჟუა არ გამოცხადებია! ყველა მუშამ, მიუხედავად პოლიტიკური მიმართულებისა უნდა შეისწავლოს და შეიგნოს ეს გაკვეთილი. დღეს უკვე ეწყობა ყველგან მშრომელთა ფრონტი დამშეულ გლეხების დასახმარებლად. მივეშველოთ ამ საქმეს! გამოვექოშავოთ ქიშიში მყოფ მოძმეთ. ჩვენც შეიქნათ მუშა მოსამსახურეთა ყველა წრეებში დამხმარე კომიტეტების ეს იქნება ნამდვილი და უანაგრო მოგლა პატრონობა უდანაშაულოთ განწირულებისა. ეს ხელშეწყობს მუშათა კლასის ინტერნაციონალურ სიმტკიცის გამოკვეთებას. და მაშინ სამუდამოთ დასაფლავდება სისხლისმწოველი ანტანტა და მისი და მკაშები.

## საქართველო სახალხო განკითხვის დახარისხების გეგმა

საბჭოთა რესპუბლიკის ეკონომიური კურსის შეცვლამ, რომელიც გამოწვეული იყო მთელ რიგ ობიექტიურ პირობებით, ბოლოს და ბოლოს უნდა მოგვეცეს ის ეკონომიური ძლიერება და ძალა, რომელიც აქამდე აკლდა ახალგაზრდა სახელმწიფოს.

საბჭოთა რუსეთი, სამოქალაქო ომის განმავლობაში, ძველი წყობილების მარაგით ცხოვრობდა. მაგრამ ბოლოს და ბოლოს ეს მარაგიც გამოილია. ეხლა აუცილებლად საჭიროა ახალი დოვლათის შექმნა, რომელმაც სახელმწიფოს ყველა მოთხოვნილებებში უნდა დაჰფაროს. ძველის ნანგრევებზე უნდა ავაშენოთ უფრო მტკიცე და თანამედროვე პირობებთან შეგუებული ახალი სახალხო მეურნეობა. ულმობელი აუცილებლობა გვიკარანახებს თვის პირობებს. ჩვენ უნდა შევექმნათ ახალი ინდუსტრია, რომელიც უნდა იყოს მთლიანი, მტკიცე და გამოკვეთილი ორგანიზმი. ჩვენ სავსებით უნდა გარდავექმნათ და სრულიად ახალ საფუძველზე უნდა ავაგოთ ჩვენი ქვეყნის მთელი სასოფლო-სამეურნეო სისტემა, უნდა მოვაწყოთ უდიდესი ვაჭრობის აპარატი და უნდა ვაწარმოოთ ტიტანიური ბრძოლა სასურსათო ფრონტზე.

რევოლიუციის ოთხი წლის გამოცდილებამ და გვანახვა, რომ სახელმწიფოს ეკონომიურ ცხოვრების აღდგენა შეუძლებელი და წარმოუდგენელია მისი მეურნეობის აღდგენის გარეშე. სახელმწიფოს აუცილებლად უნდა ქონდეს ერთი მუდმივი ფულის ერთეული, რომლისაგან უნდა წარმოიშვას სახელმწიფოს მიერ შექმნილ სამეურნეო ფასეულობის ერთგვარი ექვივალენტი; მუშის შრომის შეფასების დროს ჩვენ სწორედ ეს მუდმივი და უცვლელი ერთეული უნდა გვექონდეს საფუძველად. საშინაო ვაჭრობა და სავაჭრო ურთიერთობა საზღვარ გარეთთან, რომლის ფაბრიკატები ჩვენთვის აუცილებელ საარსებო საჭიროებებს წარმოადგენენ, დაჟინებით მოითხოვს ამ საკითხის დაუყოვნებლივ გადაწყვეტას და მოწესრიგებას, ვინაიდან ჩვენ არ შეგვიძლიან მუდმივად და განუწყვეტლად ვამციროთ ჩვენი. ისედაც მცირე ოქროს რაოდენობა,

ფინანსიური სისტემა (ამ სიტყვის ჩვეულებრივ მნიშვნელობით) ამ უკანასკნელ ოთხი წლის განმავლობაში ჩვენში არ არსებობდა. მანთის კატასტროფულმა დაცემამ, რომელიც დაიწყო იმპერიალისტური ომის თითქმის პირველ დღეებიდანვე, მიგვიყვანა მანეთის ფასიულობის თითქმის სრულ მოსპობამდე. ოთხი წლის განმავლობაში ფულის ნიშნების მოთხოვნილება იფარებოდა უსაზღვრო ემისიებით და ამის გამო რაგორც მთავრობის, ისე ხალხის შეგნებაში მოთხოვნილება ამ ფულის ნიშნების რაოდენობის, განისაზღვრებოდა იმით, რამდენის დაბეჭდება შეიძლო მანქანას.

ექსპედიციების მიერ გამოშვებული ფულის ნიშნების რაოდენობა არ იყო ვინმეს მიერ განსაზღვრული და განწყობილი. თითქმის ყოველი გუბერნია, ყოველი დიდი ქალაქი (ზოგან არც ისე დიდი ქალაქი), უშვებდა თავის საკუთარ ფულს. და ამ ფულის ნიშნებს უშვებენ მრავალგვარს ზოგჯერ უნომროდ, უსერიოდ, უწარწეროდ და სხვა განმასხვავებელ ნიშნების გარეშე.

რამდენი არის გამოშვებული ყველა ასეთი ნიშნები ძნელია ამის თქმა, რადგან ამის აღრიცხვა შეუძლებელია. მოსკოვის გაზეთებში მოყვანილ ცნობების მიხედვით რუსეთში დღეს ტრიალობს 20 ათასი მილიარდი მან. ფულის ნიშნები, ეს ცოტრი ალბად გაცილებით ნაკლები არის იმ ფულის ნიშნების რაოდენობაზე, რომლებიც ნამდვილად ტრიალშია. და თუ ჩვენ ამას კიდევ მიუმატებთ განაპირა კუთხეების ემისიასაც, მაშინ ზემომოყვანილი ციფრი კიდევ უნდა გავადიდოთ, ჩვენ მივიღებთ ცაშეტანულიან ციფრს! კაცობრიობას ჯერ არ უნახავს ამდენი ფული; ეს რიცხვი თვისი გრანდიოზობით ასტროლოგიურია და არ გამოხატავს ქვეყნის ფინანსებს, ვინაიდან ეს უკვე ფინანსები კი აღარ არის, არამედ რაღაც აბსტრაქტიული, რომელიც, რათაც არ უნდა დაჯდეს, მოსპობილ უნდა იქმნას. ცხადია, რომ ამის მიღწევა შეიძლება მხოლოდ ფულის ემისიის ან მოსპობით, ან მისი მინიმუმამდე შემცირებით და მანეთის კურსის თანდათანობითი აწევით, მისი სახელმწიფოს ხელში თანდათანობითი მოგროვებით.

ამგვარად, სახელმწიფოში ფინანსების შექმნისათვის, ჩვენ უნდა ვაწარმოოთ სრულიად საწინააღმდეგო მუშაობა იმისა, რასაც ვაწარმოებდით ოთხი წლის განმავლობაში. ჩვენ აღარ უნდა გამოუშვათ ახალი ფულის ნიშნები, არამედ უნდა ვეცადოთ, რომ რაც შეიძლება შევამციროთ მისი რაოდენობა. სახელმწიფომ თანდათანობით და დაუყოვნებლივ უნდა დაიწყოს ამ ფულის ნიშნების თვის ხელში მოგროვება და ბოლოს უნდა მოსპოს იგი. ამისათვის უკვე არის მიღებული მთელი რიგი ზომებისა. უპირველესად ყოველისა მიღებული არის ახალი პრინციპი, რომლის მიხედვითაც მცხოვრებნი განსაზღვრულ თანხას იხდიან სახელმწიფოს სასარგებლოდ იმ სამსახურისათვის, რომელსაც სახელმწიფო უწყევს მათ (მაგ. ფოსტა, ტელეგრაფი, ტელეფონის რეინის გზა და სხ.). რუსეთში, მხოლოდ რამდენიმე თვის განმავლობაში ასეთ სახელმწიქამ კასამ მიიღო 200 მილიარდი მან. შემოს ვალი. ამგვარად, მხოლოდ 2—3 თვის განმავლობაში მთელი იმ ფულის ნიშნების რაოდენობა, რომელიც რუსეთში ტრიალობს, შემცირდა 5 პროცენტით და ამით შექმნა გესაძლებლობა ფულის ემისიის შემცირებასა.



მეორე ზომა მანეთის ღირებულების ასაწვად და ტრიალში მყოფ ფულის ნიშნების რაოდენობის შესამცირებლად არის ისეთი საფინანსო ინსტიტუტების შექმნა, რომლებსაც საშუალებითაც შეიძლება ფულის ნიშნების ჩამორთმევა მდიდარ და უზრუნველყოფილ მცხოვრებთაგან. ასეთი ზომები არიან სხვა და სხვაგვარი გადასახადები—ფულისა და ნატურალური.

ეს გადასახადები, რომლებიც დაწესებული არის შემოსავლის კვალობაზე და პროგრესიული ნორმით უმთავრესად ეხება მცხოვრებთა უფრო უზრუნველყოფილ ჯგუფებს, ფულის ნიშნების ძალიან დიდ რაოდენობას აგროვებს სახელმწიფოს ხელში. ეხლა, ჯერ-ჯერობით შეუძლებელია იმის თქმა, თუ რამდენი ფული შეგროვდა ამ გზით, რადგან ეს გადასახადები აქამდე იყვნენ საგანგებონი და ერთდროულნი. თუმცა უნდა აღინიშნოს, რომ მათი მნიშვნელობა სახელმწიფოს ფინანსების მოწესრიგების საქმეში, ფრიად დიდი იქნება. არაპირდაპირი გადასახადების დაწესებაც იმავე მიზანს ემსახურება. იგი დახმარებას უწევს სახელმწიფოს ხელშეწყობის ფულის ნიშნების მოგროვებაში.

ასეთი არის მაგ. სააქციო გადასახადი, რომელიც დაწესებული არის სხვა და სხვაგვარ საგნებზე საქ. რევკომის № 75 დეკრეტით.

დასასრულ, მესამე მნიშვნელოვანი ზომა არის მთელი სახელმწიფო ბიუჯეტის ახალ საფუძველზე აშენება, რის შესახებაც სრულიად რუსეთის ცენტრალურმა აღმასრულებელმა კომიტეტმა უკვე გამოიტანა თავისი დადგენილება. ეს დეკრეტი რუს. ცენტრალურ აღმასკომიტეტისა, შეიძლება ჩაითვალოს საბჭოთა რუსეთის ახალი ფინანსური ერის დასაბამად.

ფინანსთა სახალხო კომისარიატის ერთი უმთავრესი საქმე უნდა იყოს სახელმწიფო ბიუჯეტის შედგენა, სწორი წარმოება სახალხო მეურნეობის ფინანსებისა და სავსებით ისეთი პოლიტიკის წარმოება, რომელიც ხელს შეუწყობს სახელმწიფო საღაროს გამდიდრებას.

სრ. რუს. ცენტრალურ აღმასრულებელ კომიტეტის მიერ გამოქვეყნებულ დეკრეტებიდან სიანს რომ ამ რევოლუციონურ პერიოდში, 1918—1920 წ. ყველა საბჭოთა დაწესებულებებში და წარმოებებში განმტკიცდა აზრი, რომ საფინანსო კომისარიატი თავის მუშაობას სასურველად ვერ აწარმოებს და მისი ლიკვიდაცია უნდა მოხდეს. ეს შეხედულება, — რომელიც საფუძვლად დაედო უწყებებს, რომ ჯეროვანი ანგარიში არ გაუწიონ საფინანსო სახ. კომისარიატის იმ ზომებს, რომლებსაც იგი იღებს სახელმწიფო საღაროს ინტერესების დაცვისათვის. — ფრიად შემაფერხებელია საფინანსო უწყებისათვის და ძალიან უშლს ხელს საფინანსო პოლიტიკის ცხოვრებაში გატარებას.

სახელმწიფო საღაროს შემოსავლის გასაზრდებლად დეკრეტით გათვალისწინებულია ახალი ზომების მთელი რიგი. ასე მაგ. ყოველმხრივი შემცირება ხარჯებისა, სმეტის სწორი შედგენა, საღაროს მთლიანობას დამყარება, კრედიტების სპეციალიზაცია და სხ. ამ ზომათა შორის განსაკუთრებული მნიშვნელობა საბანკო ოპერაციების განვითარებას აქვს, რომელიც სახალხო მეურნეობის განვითარების მიზნებს ემსახურება.

დეკრეტის მიხედვით საბანკო ოპერაციებს მეტად დიდ მნიშვნელობა აქვს სახალხო მეურნეობის განვითარებისათვის.

ბანკების პირდაპირი ამოცანა მდგომარეობს უპირატესად კვლევისა, ფულის ტრიალის განწესრიგებაში, ანუ რეგულიაციაში. თუმცა თვით ბანკები არ ღრძობენ ფულებს, არც ფულის ნიშნებს ბეჭდავენ, მაგრამ მათ აქვთ საშუალება, რომ საკუთარს ვალდებულებებით შესცვალონ ეს ფულის ნიშნები და ამით დაამყარონ მასიური მოთხოვნილებანი.

მეორეს მხრივ ბანკები ის რეზერვუარებია, სადაც თავს იყრას თავისუფალი ფული. ბანკები ხელს უწყობენ თავისუფალ ფულის წარმოებაში დაბანდებას და ამით შესაძლებლად ქმნიან წარმოების აღორძინებას და განვითარებას.

მესამე მნიშვნელოვანი როლი ბანკისა იმაში მდგომარეობს, რომ მას შეუძლიან კლიენტების ურთიერთობაში ვალდებულება დაფაროს ანგარიშების უბრალო გადავხავით და ამით ამცირებს სახელმწიფოსათვის საჭირო ფულის ნიშნების რაოდენობას. საბანკო საქმის განვითარება ამა თუ იმ სახელმწიფოში საუკეთესო მაჩვენებელია მისი მეურნეობა მდგომარეობისა.


საბანკო საქმემ რუსეთში სერიოზული განვითარება დაიწყო მხოლოდ სამოკდაათიან წლებიდან. მისი დასაბამი სახელმწიფო ბანკის დაარსებით იწყება, რომლიწესდების თანაბმად სახელმწიფო ბანკს ორი მიზანი უნდა ჰქონოდა: საკრედიტო ვალიუტის გამარტივება და ვაჭრობისათვის ხელის შეწყობა. მაგრამ რადგან ეს ბანკი სახელმწიფო იყო და სამინისტროს ექვემდებარებოდა, ამიტომ ის მხოლოდ და მხოლოდ სახელმწიფოს და ბურჟუაზიის ინტერესებს ემსახურებოდა. იგი სრულიად არ ზრუნავდა ფართო მასის, ხალხის ინტერესების დაცვისათვის და სახალხო მეურნეობის აღორძინებისათვის. თავის დანიშნულების მიღწევაში ამ ბანკს ხელს უშლიდა მრავალი შემბოქვენი და დამაბრკოლებელი გარემოებები.

ბანკთან დაარსებული იყო ისეთი განყოფილება, რომელიც საზღვარ-გარეთის ოპერაციებს აწარმოებდა. ბანკს შეეძლო გაცემა და შექმნა საზღვარ-გარეთული ტრანზიტებისა, ყიდვა ოქროსი და სხ. და ამ საშუალებით ფულის კურსზე არსებითი გავლენა. მაგრამ სულ მალე გამოირკვა, რომ ამ ბანკს არ შეეძლო საკუთარს საშუალებებით მოგვარება იმ საქმეებისა, რომლებიც მას ქონდა დასახული.

სახელმწიფო ბანკის საქმიანობა ნაყოფიერი იყო მხოლოდ კრძო კრედიტის მოწყობის მხრივ.

ამას გარდა ის ხელს უწყობდა კომერციულ კრედიტს, ურთიერთ კრედიტის საზოგადოებების, საქალაქო ბანკების და შემნახველ საზოგადოების დაარსებას. ყველა ეს დაწესებულებანი სარგებლობდნენ იმ თანხებით, რომლებსაც ბანკიდან იღებდნენ სესხად. ასეთ დახმარებებს ხშირად თან სდევდა თვით ბანკის ინტერესებისათვის დიდი ზარალი.

სახელმწიფო ბანკის საქმიანობამ ვერ მიიზიდა ფართო მასსა. რადგან ის ბანკი უმთავრესად მთავრობის იყო, ამიტომ მისი საქმიანობა მიმართული იყო ამ უკანასკნელის მიზნების განსახორციელებლად. სახელმწიფო ბანკთან ერთად ფართოდ განავითარეს ოპერაციები უკანასკნელ ხანებში დაარსებულმა კერძო ბანკებმაც, რომელთა რაოდენობა რუსეთის ბურჟუაზიის რაოდენობით და კეთილ-დღეობით განიზომებოდა. ეს ბანკები სრულ-



ლიად არ ზრუნავდნენ სახალხო მეურნეობის განვითარებისა და აღორძინებისათვის; ისინი მხოლოდ და მხოლოდ საკუთარ სარგებლიანობაზე და სარტის შექმნაზე ფიქრობდნენ. ეს განსაკუთრებით გამოაშკარავდა ომის და რევოლიუციის დროს, როდესაც კერძო ბანკები ერთი-მეორეს ეცილებოდნენ ფულის კურსის დაცემაში, საქონლის ფასების საზღაპროდ აწევაში და საერთოდ სპეკულიაციაში.

საბჭოთა ხელისუფლების მიერ, თავის დროზე ამ ბანკების დახურვა და მათი ფასეულობათა კონფისკაცია, მეტად მიზან-შეწონილი ზომა იყო. ამით ბოლო მოეწყო სპეკულიაციას და მის ხარჯზე სახელმწიფო სალაროს თანხა გაიზარდა. თანამედროვე მომენტში შექმნილი გარემოებანი დაეინებით გვიკარნახებენ საბანკო ოპერაციების ხელ-ახლა განახლების და გაფართოების აუცილებლობას.

ბევრი განცდების შემდეგ საბჭოთა ხელისუფლება უკვე შედგა მშვიდობიან აღმშენებლობის გზაზე და მან, უპირველეს ყოვლისა უნდა შექმნას საბჭოთა ახალი სახალხო მეურნეობა. აი, სწორედ, განსაკუთრებით აქ არის საჭირო საბანკო ოპერაციები.

რასაკვირველია, არსებითად, ეს საბანკო ოპერაციები ისეთივე ოპერაციებია, როგორც ბურჟუაზიულ ბანკებში იყო, მაგრამ ეხლა ისინი მიმართულნი იქნებიან არა ცალკე პირების, ჯგუფების ან კლასების გამდიდრებისაკენ, არამედ ფართო მშრომელი მასის—მუშებისა და გლეხების კეთილ-დღეობისაკენ. ცხადია, ის შემოსავალი, რომელიც შეგროვილი იქნება მუშებისა და გლეხების მიერ, მოხმარდება თვით მათ საჭიროებას და არა კერძო პირების გამდიდრებას და ახალ ბურჟუაზიის შექმნას.

ამ მიზნით, სახალხო კომისართა საბჭოს დეკრეტი, მიხედვით, ა. წ. 15 ნოემბრიდან მოსკოვში უნდა გაიხსნას სახალხო ბანკი 2.000 მილიარდი მან. კაპიტალით რომლის მთავარი მიზანი იქნება სახელმწიფოს ფინანსირებად განმტკიცება, სახალხო მეურნეობის აღორძინება და ფულის კურსის აწევა. ამავე მიზნით იხსნება განყოფილებები როგორც მთელ რუსეთში, აგრეთვე საზღვარ-გარეთაც. უნდა ითქვას, რომ საქართველოს ფინანსური მდგომარეობა ამ მხრივ ძალიან ცოტათი განსხვავდება საბჭოთა რუსეთის მდგომარეობისაგან. მისი ფინანსების მდგომარეობა ისეთივე მწვავეა, როგორც რუსეთში და ორთავე რესპუბლიკებში ამ საერთო მოვლენის მიზეზი ერთი და იგივეა: მეურნეობის დანგრევა-დაშლამ, უსაზღვრო ემისიებმა და სხ. ფულის კურსი იმდენად დასცა, რომ თითქმის სრულიად დაუკარგა ღირებულება. ამ მხრივ, რუსეთთან შედარებით, საქართველოს მდგომარეობა უფრო ცუდია, ვინაიდან ბაზარზე საქართველოს ფულის კურსი რუსეთის ფულის კურსზე უფრო ნაკლები ფასობს—10—15 პროცენტით.

ცხადია, რომ რადგან ასეთ მდგომარეობის მიზეზები ერთნაირია, მის წინააღმდეგ ბრძოლის ზომებიც ერთნაირი უნდა იყოს.

საქართველოსათვის ისევე აუცილებელი არის მთლიანი სახალხო ბანკი, როგორც რუსეთისათვის. ეს აუცილებლად არის საჭირო თუ გინდ იმისთვის, რომ შემცირდეს ტრიალში მყოფ ფულის ნიშნების რაოდენობა და გაიზარდოს მისი კურსი.

საქართველოს დიდი მომავალი აქვს, რასდენაშიც მისი დარი არის დიდი ბუნებრივი დოვლათით. თანხის გვერდით რაფიული მდებარეობით საქართველოს მოელის ფართო საფარო ურთიერთობის დამყარება როგორც მეზობელ სახელმწიფოებთან, ისე საზღვარ-გარეთთან.

ამიტომ, საქართველოს ფინანსების შექმნა არის პირველხარისხოვანი და გადაუდებელი საქმე.

საქართველოს რევკომმა, გაუწია რა ანგარიში რეალურ ცხოვრების მოთხოვნილებას, თვისი დეკრეტით (№ 68) დაარსა „საქართველოს საბჭოთა სოციალისტური რესპუბლიკის სახალხო ბანკი“ 200 მილიარდი მან. ძირითადი თანხით.

## ქუთაისის გუბერნიის გელიოგრაფიის საკითხი \*)

### II

მეორე დიდი საქმე არის—დასავლეთ საქართველოს, ანუ უკეთ რომა ვსთქვათ, ქუთაისის გუბერნიის გაშრობა გაწმენდა ქაობებისაგან. ეს სამუშაო შესდგება სამი ფაქტორისაგან: 1) ამოშრობა თვით ქაობებისა, ე. ი. ქაობიანი ადგილისა ფოთის რაიონში, რომლებსაც თითქმის 80 დესიატინა უჭირავს. 2) რევოლიუცია მდ. რიონისა და მის შენაკად მდინარეების მიმდინარეობისა და 3) გამაგრება მდინარეთა იმ ადგილებისა, სადაც შემოდგომითა და გაზაფხულობით ხდება წყალდიდობა. რასაკვირველია, ეს საქმე მეტად გრანდიოზულია და დიდ ხარჯებსაც მოითხოვს, მაგრამ, სამაგიეროდ შედეგებიც მეტად თვალსაჩინო იქნება და მოგვებით ანახალაურებს გაწეულ შრომასა და თანხებს, რადგან ბოლოს ჩვენ შეგვეძინება რაშიდენიმე ათეული ათასი დესეტინა ნაყოფიერი მიწისა სხვა და სხვა სამეურნეო კულტურის ასაყვავებლად და თვალ-უწვდენელი ველ მიწადორი, თითქმის ნახევარი გუბერნია განთავისუფლდება იმ ქაობებისაგან, რომლებიც ასე სწამლივან მთელ მიდამოს და აგრცლებენ საშინელ მალარიას. ზემო აღნიშნული საქმის შესრულება საკითხის სირთულის გამო მოითხოვს დიდ წინასწარ შრომას, რომლის შესასრულებლად საჭიროა მთელი კადრი სპეციალისტებისა—ჰიდრო მექანიკებისა, აგრონომების, ინჟინერებისა, ვინაიდან არა კმარა ქაობების უბრალო ამოშრობა. ხშირად მოხდება ხოლმე (და ამისი მაგალითებიც ძლიერ ბევრია), რომ ქაობის ამოშრობა უფრო ავნებს ამა თუ იმ კუთხეს ქვეყნისას, ვიდრე აუმჯობესებს მას. მაგრამ ეს ხდება მაშინ, როცა წინასწარი გამოკვლევანი და სამუშაოები არ არის სწორად შესრულებული, როცა არ არის ზედმიწევნით შესწავლილი ის პირობები, რომლებშიაც აუცილებლად უნდა სწარმოებდეს მუშაობა.

წესი და ხერხი მუშაობისა, ხარისხი ამოშრობისა და ამის გავლენა მიდამოზე შეიძლება გამოიკადოს, შესწავლილ იქმნეს მხოლოდ ადგილობრივ.

\*) იხილეთ „მომამბე“ № 15



როგორ უნდა მოხდეს ფოთის რაიონის ჰაობების ამოშრობა? — არხების გაყვანით, ან დრენაჟის საშუალებით, თუ ადგილ-ადგილ უნდა დაიდგას ელექტროს ენერჯით ამუშავებული ძლიერი საქაჩაიები — ქუთაისის გუბერნიაში ელექტროფიკაციის განხორციელების შემდეგ? — აი ის საკითხები, რომლებიც წინასწარ უნდა იყოს გადაწყვეტილი სპეციალისტებისაგან.

ძირითადი მიზანი ყოველი სასოფლო სამეურნეო ჰიდრო ტექნიკური მელიორაციისა არის — შეთანხმება ნიადაგთან სასოფლო სამეურნეო კულტურისა და აგრეთვე გარეშე პირობებთან იქ, სადაც ნიადაგი არსებითად არ არის ხელსაყრელი მცენარეულობათა აღმოცენებისათვის. ამ მიზნის მიღწევა შეიძლება ნიადაგის წყლის რეჟიმის რეგულირებით. ეს რეგულირება ამავე დროს არის ძლიერი საშუალება ნიადაგის საპერო რეჟიმის მოსაწესრიგებლადაც, რასაც ასეთი დიდი მნიშვნელობა აქვს მცენარეების ცხოვრებაში და რაც სათანადო მიმართულებას აძლევს ყველა ქიმიურ და ბიოლოგიურ პროცესებს.

გარდუვალ ეკონომიურ კანონების მეოხებით, ყოველ გვარი მელიორაცია და კერძოდ ამოშრობის მელიორაცია, შეიძლება აყვანილ იქმნეს ისეთ ინტენსივობამდე, რომ დიდის მოგებით დიფაროს წლიური ხარჯი.

მელიორაცია დასავრეთ საქართველოში, იქნება ეს ჰაობების ამოშრობა, რიონისა და მის ტრატების მიმდინარეობათა მოწესრიგება თუ სხვა რამ სამუშაო, დიდ ცალილებას შეიტანს ჩვენი ქვეყნის ეკონომიურ პირობებში. აქ შეუძლებელი და გამოუსადეგი იქნება ის ექსტენსიური კულტურა, რომელსაც ადგილი ჰქონდა მელიორაციამდე.

ამგვარად, მელიორაციამ, თავისი განხორციელების ფაქტით, რამ ენადაც კი შესაძლებელია ეს დღევანდელ ეკონომიურ პირობებში, მომავალში ინტენსიურად უნდა გამოიყენოს ამოშრობილი მიწები. რასაკვირველია, საეჭვოა იმის მოლოდინი რომ ქუთაისის გუბერნიაში სახალხო მეურნეობის ინტენსიფიკაცია მაშინვე მოხდება, როგორც კი მის ტერიტორიაზე შესრულებულ იქნება ამოშრობითი სამუშაო. ეს წარმოუდგენელია მანამ, სანამ საბოლოოდ არ იქნება აღდგენილი ჩვენი დანგრეული და დაშლილი ეკონომიური ცხოვრება და ძლიერ არ იქნება ომითა და რევოლუციით გამოწვეული მწვავე შედეგები. მაგრამ მიუხედავად ამისა თვით ადგილობრივი სპეციფიკური პირობები მაინც დაეინებით მოითხოვენ ხსენებულ რაიონის ამოშრობას. საქმე იმაშია, რომ არსებულ პირობების გამო, სამელიორაციო მუშაობის წარმოება დასავლეთ საქართველოში ამავე დროს არის სანიტარული და გამაჯანსაღებელი საქმე, რომელიც ამ შიდად ადგილებში მოსახლე ხალხს განათვისუფლებს მუდმივი მალიარისაგან. თუმცა ჩვენი ეკონომიური პირობები ისეთია, რომ შეუძლებელია ინტენსიური კულტურის შემოღება და ამოშრობის სამუშაოს წარმოებას არ შეიძლება საფუძვლად დაედოს

ტექნიკური ამოცანები და მელიორაციის რაციონალურ მოქმედების პირობები, მაგრამ მაინც უნდა შევეცადოთ რომ რაც შეიძლება ნაკლები ხარჯის გაღებით მოვახდინოთ მელიორაცია და რაც შეიძლება სასარგებლოდ იქმნას გამოყენებული ის შრომა და კაპიტალი, რომელიც იქნება გადაღებული ამ საქმისათვის.

ჰაობების ამოშრობის სისტემის ძირითადი მიზანი მდგომარეობს იმაში, რომ ამოშრობილ ადგილებში დაცული უნდა იყოს ნიადაგის განსაზღვრული სისველე, რომელიც ეხლანდელ კლიმატურ პირობების მხრივ ეხამება ამ ადგილების ბუნებრივ მდებარეობას და რომელსაც შეუძლიან დიდად შეუწყოს ხელი მიწის ნაყოფიერებას.

ამ მიზნის მიღწევა შესაძლებელი ხდება ამომშრომ არხების განსაზღვრულ მდებარეობით და სიდიდით. ყველა არხები შეიძლება განწესრიგებულ იქმნას ორ ძირითად ნაწილად: 1. სარეგულიაციო ნაწილი, ე. ი. ის არხები, რომლებსაც მიზნად აქვთ განაწესრიგონ ამოშრობილ ადგილების ნიადაგის სისველე. ამ არხების მიზანი არის ამოსაშრომ ადგილის წყლების დაწევა განსაზღვრულ დონემდე და ამით განსაზღვრულ ფარგლებში ნიადაგის სისველის დაცვა; 2. გამტარებელი ნაწილი, ე. ი. ის არხები, რომლებსაც მიზნად აქვთ წყლის ნაკადის გატარება და რეგულირება. ამ უკანასკნელის მიზანია ამოსაშრომ ადგილიდან ზედმეტი წყლის გადაქაჩვა.

ქუთაისის გუბერნიის ამოსაშრობი ადგილები მეტად მრავალგვარია მიწის სისველის მხრივ. ეს მრავალგვარობა შეიძლება დავეყოთ სამ ძირითად კატეგორიად: 1) მიწები, რომელთა მოქარბებულ სისველის მიზეზი არის ნიადაგის ქვეშე წყლის სიახლოვე, რაც შენიშნულია ქუთაისის გუბერნიის ბევრ ადგილებში; 2) მიწები, რომელთა მოქარბებული სისველე არის შედეგი ატმოსფერის სინოტივისა ან საერთოდ წყლების ზედაპირისა. ასეთი არის შავი ზღვის მთელი სანაპიროები და მდ. რიონის შიდაპირები და მისი შენაკადები; 3) ის მიწები, რომელთა მოქარბებულ სისველის საფუძველი არის ორივე ზემოხსენებული მიზეზი ერთად.

პირველი კატეგორიის მიწები კიდევ შეიძლება დაიყოს თავის მხრივ ორ ჯგუფად: ა) ის მიწები, რომელთაც აქვთ მუდმივი შენაკადები და უცვლელი დონე წყლისა; ბ) ის მიწები, სადაც მიწის ქვეშე წყალი არ არის დიდი სიმძლავრისა.

მეორე კატეგორიის მიწებიც თავის მხრივ შეიძლება გაიყოს ორ ჯგუფად: ა) მიწები, რომლის ზედაპირი, რელიეფის პირობებისა გამო, მოცული არის წყლით; და ბ) მიწები, რომელთა სისველე გამოწვეული არის ატმოსფერის სინოტივისაგან. დასასრულ, მესამე კატეგორიის მიწები წარმოადგენენ ზემოხსენებულ კატეგორიების სხვა და სხვა გვარ შეკავშირებებს.

მოქარბებულ სისველის მიწების ყველა აღნიშნული კატეგორიები და ჯგუფები ქუთაისის გუბერნიაში შეიძლება ეკუთვნოდნენ ნიადაგის სხვა





და სხვა გვარ სისველეს, მინერალოურ და ორგანიულ სხვა და სხვა გვარ შემადგენლობას.

ყველა ამ პირობების მიხედვით იცვლება თვით ქაობების ამოშრობის მეთოდები და ნორმები; ამის მიხედვით ძალიან ვითარდება ან სარეგულიაციო და ან გამტარებელი არხების სისტემა.

ქუთაისის გუბერნიის ჰიდროგრაფიული, მეტეოროლოგიური და სხვა პირობების ზედპირული გაცნობაც კი გვარწმუნებს, რომ ამ ადგილებში ქაობების ამოშრობის მეთოდები და ნორმები ფრიალ მრავალგვარი და მრავალფეროვანი უნდა იყოს. ამის გამოსარკვევად აუცილებელია რაც შეიძლება მეტი სპეციალისტ ჰიდროტექნიკოსების წინასწარი მუშაობა.

ქუთაისის გუბერნიის ადგილმდებარეობა უაღრესად მრავალგვარია. ასე მაგ. მდინარეები, რომლებიც არიან რიონსა და ენგურის შორის, იმდენად დააღწი არიან, რომ ქარიშხლის დროს ზღვის ტალღა წალეკავს ხოლმე ზღვის ნაპირებიდან 5-10 ვერსის მანძილით დაშორებულ მრავალ ასეულ და ათასეულ დეს. მიდამოს. ამ ადგილების ნიადაგს ტყიან-ქაობიანი ხასიათი აქვს. აქ, ქაობიან ნიადაგის წინააღმდეგ საბრძოლველად საჭიროა ბრძოლის განსაკუთრებული მეთოდები, ვინაიდან მიწის ნიადაგის პორიზონტალურ ზედაპირისა და ნიადაგის-ქვეშე წყლის სიახლოვისა გამო, ღია არხები საქმეს ვერ უშველიან.

იგივე უნდა ითქვას ფოთისა და ბათუმის სანაპიროების შესახებ, რომელთა სხვა და სხვა ნაწილებში ნიადაგი არამც თუ ზღვის დონეზეა, არამედ ზოგჯერ დაბალიცაა. ამ შემთხვევაში შეიძლება გამოდგეს დაბები (წყლის ყორე, საგუბარი), რომლებიც ნიადაგს დაიფარავენ ზღვის ტალღების შემოჭრისაგან.

ძალიან დიდი მიღამო ზღვის სანაპიროებისა დაწყებული ენგურიდან ფოთამდე და თითქმის ბათუმამდე, სივრცით 5-20-დე ვერსი ამ ქამად სრულიად დაუსახლებელია. ეს მიდამო დიდა ხანი არ არის, რაც წყლიდან გამოვიდა და ძალიან მცირე სიმაღლით არის დაშორებული ზღვის დონეს. მისი თანდათანობითი ამაღლება, ზღვის სანაპიროების მანძილიდან გამოშორების მიხედვით, ძალიან მცირეა. ასე მაგ. რიონის ზევით ზღვიდან 40 ვერსის მანძილზე, ნიადაგი მალდება მხოლოდ 15 ფუტით, 90 ვერ. მანძილზე, სადაც ცხენისწყალი უერთდება რიონს, 40 ფუტით და მხოლოდ 150 ვერსის მანძილზე, ქუთაისის მახლობლად, ეს მიდამო მთავრდება მნიშვნელოვანი სიმაღლით. ამ მიდამოების მდინარეები მხოლოდ უმნიშვნელო ყორეებით არის შემოზღუდული და ქარიშხლის დროს ზღვის ტალღები შეიჭრება და დაფარავს ხოლმე მთელ ამ მიდამოში დაბალ მდინარეებს. მრავალ რიცხოვანი მდინარეები, რომლებიც გადიან ტყიან და დაბლობ ადგილებზე, ნელა მიმდინარეობენ და ქმნიან ქაობებს და საფლობ ადგილებს, რასაც ხელს უწყობს რბილი სუბტროპიკული ჰავა საშუალოდ t° მეტად სუსხიანი თვისა +5 - +6° და საშუალო რაოდენობა ატმოსფერის ნალექისა 2000 მმ.

ქართული

ამ მხრივ განსაკუთრებით მშვენიერად იქმნება ბებში იმყოფება ქ. ფოთი და ქ. ბათუმი. ეს უკანასკნელი თითქმის ნახევრად დაბლობა ზღვის დონის მიმართ. ფოთი, ამავე მიზეზების გამო და დიდი ტბის, ანუ პალიასტომის ტბის სიახლოვის გამო, მოითხოვს მთელ რიგ სამელიორაციო მუშაობას. ამ შემთხვევაში სასურველ შედეგის მიღწევა საქვეოა პალიასტომის ზღვასთან შეერთებით და ქაობიან მკენარეულობის მოსპობით. გარდა ამისა, ეს ზომა მიწის სივრცის ვერ გააღიდეებს.

ქუთაისის გუბერნიაში მრავალი ადგილები მტკვარისა და არაქსის შესართავის დაბლობ იმყოფებია. მდინარეების ყოველ წლიური აღიდება იქ ქმნის მრავალ რიცხოვან ქაობებს; მდინარეების კალპოტიდან გადმოვარდნა, როგორც აგ. 1897 წ. მთლად განადგურებას და დაღუპვას უქადის სასოფლო-მეურნეობის კულტურის საკმაოდ მორიდელ მიდამოს და აქ მოსახლე ხალხის ქონებას და სიცოცხლესაც კი.

ამგვარად, ცხადია, რომ ქუთაისის გუბერნიის ადგილების ბუნებრივი პირობები მეტად მრავალფეროვანია და ამის გამო ასეთივე მრავალფეროვანი უნდა იყოს მისი ამოშრობის სისტემა, და ამ სისტემის მეთოდები და ნორმები.

როგორც სარეგულიაციო, ისე გამტარებელი ნაწილი ამ სისტემისა მრავალ-გვარი უნდა იყოს და შეფარდებულ უნდა იქმნას ამა თუ იმ ადგილის განსაკუთრებულ პირობებთან.

იმ განსაკუთრებულ პირობებისა გამო, რომელშიაც არის ქუთაისის გუბერნიის ტერიტორია, მისი მელიორაცია არ შეიძლება განისაზღვროს წყლის გარდასაქვევ არხების და მილების მოწყობით, ვინაიდან აქ არის ბევრი ისეთი ადგილი, სადაც ეს სისტემა ვერ განხორციელდება. ყველა ამ საჭეშაოს ასრულებისათვის საჭიროა ეხლავე, დაუყოვნებლივ მუშაობის დაწყება. რამდენადაც დიდი არ უნდა აყოს ამ მიზნის განხორციელებისათვის გაწეული ხაჯი, იგი მაინც გამოსყიდულ იქნება იმით, რომ ძალიან გაამდიდრებს და გააჯანსაღებს მთელ მხარეს.

ამის თვალსაჩინო მაგალითი არის სოხუმი, რომელიც თითქმის ანალოგიურ პირობებში იმყოფებოდა და რომელიც მელიორაციის შედეგ, რიც გამოიხატა ახლო-მდებარე ქაობების ამოშრობაში, გადაიქცა საუცხოვო საკურორტო ადგილად.

ლ. სარაჯიშვილი.

### მიწაღმომქმადების ახალი ერა.

(სამელიორაციო ამხანაგობათა შესახებ)

ქვეყნის ეკონომიურ განვითარებასთან ერთად იზადება მთელი რიგი ღრმა სამეურნეო მნიშვნელობის საკითხებისა, რომელთა გადაწყვეტაზედაც დამოკიდებულია სახელმწიფო მეურნეობის მთელი მომავალი არსებობა,

ამ გადასაწყვეტ საკითხთა შორის ერთ-ერთ მნიშვნელოვან საკითხთაგანს შეადგენს საკითხი სამელიორაციო ამხანაგობათა დაარსების, ე. ი. ისეთი ინსტიტუტის შექმნის შესახებ, რომელიც უნდა წარმოადგენდეს მძლავრს ორგანიზაციას და რომელიც სახელმწიფოს ნამდვილად დაეხმარება სამელიორაციო მუშაობაში.

სამელიორაციო ამხანაგობანი უმთავრესად ანხორციელებენ სასოფლო სამეურნეო მელიორაციას, ესე იგი ისეთ მელიორაციას, რომელიც უმეშვეოდ სველის და აუმაჯობებს მიწადმოქმედების ხასიათს, და მის საშუალებათ და აგრეთვე ხელს უწყობს სამეურნეო სიფრცის გაფართოვებას.

სამელიორაციო ამხანაგობათა ვანვითარების ხასიათი და მათი რიცხვის სიმრავლე მხარეში, საუკეთესო მაჩვენებელია სახელმწიფოს სასოფლო-მეურნეობისა და ამ სახელმწიფოს სამეურნეო აღმშენებლობის საქმეში, მცხოვრებთა მონაწილეობის ხასიათისა. სამელიორაციო ამხანაგობა, ეს არის სახელმწიფოს სოფლის მცხოვრებთა თვით-მოქმედება.

რამდენადაც უფრო ბევრია ასეთი ამხანაგობანი, რამდენადაც უფრო ხშირად არის გაბმული სახელმწიფოში ამ ამხანაგობათა ქსელი და რამდენადაც უფრო ინტენსიურია მათი მოღვაწეობა, იმდენად უკეთესი და მალაჩია ამ სახელმწიფოს სასოფლო-მეურნეობის მდგომარეობა.

რა არის სამელიორაციო ამხანაგობა? სამელიორაციო ამხანაგობა არის კავშირი რამოდენიმე სოფლის მეურნესი, რამოდენიმე მიწის დამმუშავებელი პირისა, ამა თუ ამ ადგილას, რომელთაც შიზნადა აქვთ დასახული თავიანთ ოლქში გააუმჯობესონ ის მიწები, რომელთა გაუმჯობესებასაც თვითონ სცნობენ აუცილებლად.

ეს კავშირები სარგებლობენ იურიდიული პირის ზოგიერთი უფლებებით, სახელმწიფოსაგან სარგებელ-გადაუხდელად იღებენ სესხას და ნატურალურ დახმარებას, სდებენ ხელშეკრულებას როგორც ერთ-ერთ შორას, ისე ფაბრიკებსა და ქარხნებთან—ამ უკანასკნელთა მიერ ამა თუ იმ სატენიკო წარმოების შესახებ—მელიორაციის დარგში.

სამელიორაციო ამხანაგობა არის რუსეთის გლეხობის რევოლიუციონური შემოქმედების ნაყოფი და გამოწვეულია ცხოვრებაში ამ გლეხობის მისწრაფებით—რომ მას გამოეჩინა თავისი თვით მოქმედება მიწადმოქმედების საქმის გაუმჯობესებაში და დახმარება გაეწია მთავრობისათვის თავისი შრომით, ადგილობრივი საჭიროებისა და პირობების ცოდნითა და აგრედვე ფულითა და სხვა საშუალებებითაც.

ასეთი ამხანაგობანი არსებობდნენ აგრედვე წინა დროის მთავრობის დროსაც—„სასოფლო სამეურნეო ამხანაგობათა და საზოგადოებათა“ სახელწოდებით, მაგრამ ისინი დიდად არ განვითარებულან, ვინაიდან ამ ორგანიზაციებში სახელმწიფოს მცხოვრებთ არ გამოიჩინეს საკმაო ყურადღება ამ ორგანიზაციებისადმი და ვერ შეაფა-

სეს ყველა ის უპირატესობანი და სარგებლობანი, საც იძლეოდნენ ხსენებული ორგანიზაციები.

ამასთანავე ერთად, ეს ამხანაგობანი, სარგებლობდნენ რა სპეციალურ სამელიორაციო კრედიტით, არა მხოლოდ იმდენ მას თავისი პირდაპირის დაწინაურებისამებრ და ამ რიგად მიუღწეველი რჩებოდა ის მიზანი, რომელისთვისაც ისინი იყვნენ მოწოდებულნი, და რისთვისაც მათ ეძლეოდათ საგანგებო თანხა.

გარდა ამისა ხსენებულ ამხანაგობათა წევრებს შეადგენდა მემამულეთა უმრავლესობა, რომელნიც ძლიერ ნაკლებად იყვნენ დაინტერესებულნი მელიორაციით, უკეთეს იგი მათი მამულების უშუალო სარგებლობისათვის არ იქნებოდა გამოყენებული.

ამიტომ ეს ამხანაგობანი ათრევდნენ თავიანთ უბედრუქს არსებობას და ძალიან იშვიათ შემთხვევაში ასრულებდნენ იმ სამუშაოს, რომელთა შესასრულებლადაც ისინი იყვნენ მოწოდებულნი.

მთელს რუსეთში ასეთი ამხანაგობის რიცხვი რამოდენიმე ათეულს აღწევდა,—მათს რიცხვში კავკასიაში იყო რვა ამხანაგობა. ეხლა კი ამ ამხანაგობათ კვლავ მოგლისთ აღორძინება ახალის, მაგრამ უკვე ნაყოფიერის მოღვაწეობით. ჩვენ ვამბობთ ნაყოფიერის მოღვაწეობით, იმიტომ, რომ მათს წევრებს შეადგენენ არა მემამულენი, რომელნიც თავიანთი ცხოვრების დიდ ნაწილს ატარებენ თავისი მამულის გარეთ, და ძლიერ ნაკლებად იყვნენ დაინტერესებულნი თავიანთის მიწათმფლობელობით, ან უკედ რომ ვსთქვათ, ამ საქმით დაინტერესებულნი იყვნენ იმდენად, რამდენადაც ეს უკანასკნელი მათ საშუალებას აძლევდა უზრუნველად ეცხოვრათ სატახტო და სხვა დიდ ქალაქებში,—არამედ ამ ამხანაგობათა წევრებს შეადგენენ გლეხები, ესე იგი მთელი მიწათმოქმედი მოსახლეობა სახელმწიფოსი.

ეხლა, მთელი სამუშაო, რომელიც კი ეტება მელიორაციას და მიწის გაუმჯობესებას, სამელიორაციო ამხანაგობათა და სახელმწიფოს სახით, გადადის მიწის მოსარგებლეთა ხელში, რომელნიც ერთმანეთს საურთიერთო დახმარებას უწყვენ—თავიანთ მუშაობაში.

რუსეთის შრომისა და თავდაცვის საბჭოს დადგენილებით, სამელიორაციო ამხანაგობათა ორგანიზაციის საკითხი აღიარებულია პირველ ხარისხიან სახელმწიფო საკითხად.

დეკრეტის თანახმად, სამელიორაციო ამხანაგობის დაარსება შეიძლება მხოლოდ იმ შემთხვევაში, თუ ნაგულისხმევ ადგილზე მცხოვრებ მიწადმოქმედთა ნახევარი მომხრე იქნება მელიორაციულ გაუმჯობესებისა და ამასთანავე ერთად სამელიორაციო ამხანაგობაში უნდა შევიდნენ ხსენებულ ადგილის ყველა მიწით მოსარგებლენი.

მთელს რესპუბლიკაში სწარმოეს სამუშაოსი უდიდეს სამელიორაციო მუშაობისათვის. სწორედ ამიტომ, შრომის და თავდაცვის საბჭომ, მიიღო რა მხედველობაში, ასეთ ამხანაგობათა დიდი საჭიროება და აგრედვე ისიც, რომ არსებულ პირო-



საქმისა

ბებში ამ საქმის ნაყოფიერად დაბოლოვება არ შეიძლება უკეთეს ამხანაგობათა ორგანიზაციაში მთლად არ იქნებიან ჩარეული რესპუბლიკის მიწის მოსარგებლენი—გადასწყვიტა ხსენებულ დეკრეტის გამოქვეყნება.

დეკრეტის ძალით სამელიორაცია ამხანაგობანი არსდებიან იმ მიზნით, რომ საფუძვლიანად გაუმჯობესონ სოფლის მეურნეობის ყოველნაირი დარგი და მომავალ კულტურას შეუფარდონ, — ეს გაუმჯობესება კი უნდა გამოიხატოს ერთ და იმავე დროს კულტურ-ტექნიკურ მუშაობაში ნიადაგის ამოსაშრობად, მოსარწყავად სამელიორაცია სისტემის ხელის შეწყობა და განხორციელება და სხვა.

ამავე დროს უნდა სწარმოებდეს კულტურ-ტექნიკური მუშაობა სამელიორაცია ამხანაგობათა რაიონში — წყალსაყვანთა რეგულიარიაციისათვის, მდინარის ნაპირების გასამაგრებლად, ხევების ამოსაფხვრად, რიყეების გასაწმენდად, წყლის ენერჯის გამოსაყენებლად, გამოუსადეგარი მიწების გასაინოკიერებლად, მინდვრების, მდელოების, ყორღლებისა და ჰაობიან ადგილების გასაუმჯობესებლად, წყლის მოსამარაგებელ მომართულებათა მოწყობა და სხვა და სხვა.

როგორცა სჩანს ჩამოთვლილის მუშაობიდან ამ ამხანაგობათ დასახული აქვთ ფრიად მრავალფეროვანი და ფართო გეგმა, რომლებიც შეიცავს სამიზნისმფლობელო მელიორაციის ყოველ დარგს, რომელიც მიმართულია არა მარტო მიწადმოქმედების მოედანის გაფართოებისაკენ, არამედ მისი ღირებების გაუმჯობესებისაკენაც, და განსაკუთრებით კი წყლის ენერჯის გამოყენებისაკენ კულტურ-ტექნიკურ მიზნებისათვის.

ყველა ამ მუშაობათა წარმოება მოითხოვს უპირველეს ყოვლისა შესაფერის კადრს სპეციალისტ მელიორატორების, პილროტექნიკოსებისა და აგრონომების, რაიც უმჯობესად გამოიწვევს მხარეში სააგრონომიო და საპილროტექნიკო განვითარების გაძლიერებას განსაკუთრებით დაბალსა და საშუალოს ამ სფეროში, რაიც რუსეთში საერთოდ, უკანასკნელ ხანამდე ძლიერ უმნიშვნელოდ იყო განვითარებული.

სამელიორაცია ამხანაგობათა შემადგენლობაში უნდა შევიდეს ნახევარი იმ მიწის მოსარგებლეთა, რომელნიც სცხოვრობენ იმ რაიონში, სადაც მცხოვრებთა ნახევარზე მეტი ნაწილი მოსურვებს ხსენებულ ამხანაგობის დაარსებას.

ყველა სამელიორაციული ხასიათის სამუშაოს ასრულებენ საადგილ-მამულო ორგანოები, რომლებიც მოვალენი არიან უშუალო მუშაობა აწარმოონ ხსენებულ ამხანაგობაში.

მეთვალყურეობასა და ხელმძღვანელობას საადგილ-მამულო ორგანოები ანხორციელებენ სპეციალურ სამელიორაცია პერსონალის დახმარებით. ხოლო ეს ორგანოები, — თავისუფალ დროს ეწევიან პროპაგანდას თვით სამელიორაციულ მუშაობის იდეის პროპულიარიაციისათვის. სამეურნეო საბჭოებთან ამ ნიადაგზე საქმიანი კონტაქტის

დაქვრით — მათ შორის სანიმუშო-საჩვენებელი უბნების განსახორციელებლად.

სამელიორაცია და წყლის მუშაობისათვის სააღმშენებლო და სპეციალურ ინვენტარის უზრუნველ ყოფისათვის, დეკრეტის თანახმად, არსდება განსაკუთრებული უპროცენტო ნატურალური — და ფულის კრედიტი; შედგენილობა და რაოდენობა ნატურალურ და ფულის კრედიტისა განისაზღვრება ყოველ ცალკე შემთხვევაში საგანგებო ხელშეკრულებით სამელიორაცია ამხანაგობისა და საგუბერნიო საადგილ-მამულო განყოფილებათა შორის, სატექნიკო პროექტისა და ხარჯთაღრიცხვის წარდგენისამებრ.

ეს კრედიტი რომელიც გაიცემა სახელმწიფოს მიერ უპროცენტოდ ნატურალურ და ფულის თანხით, სულაც არა ჰგავს იმ კრედიტს, რომელიც წინადასახვებში სახელმწიფო კრედიტის სახით. ეს უკანასკნელი, (ძველი კრედიტი) როგორც ვიცით, საზოგადოდ ყველა კრედიტების მსგავსად, იგი უპირველეს ყოვლისა პირადი კრედიტი, ესე იგი ისეთი კრედიტი, როდესაც სახელმწიფოთა ფულს ანდობდა განსაზღვრულ პირს განსაზღვრულ მესაკუთრეს, რომელთანაც სდებდა ჩველებრივი სესხის ხელშეკრულებას, უკანასკნელისა გან მელიორაციის წარმოების ნიადაგზე თავისავე სასარგებლოდ. გარდა ამისა, თუშეა იყო აგრძელებული უპროცენტო კრედიტიც უპროცენტო სესხის სახით, რომელიც ეძლეოდა მხოლოდ მიწის მესაკუთრეს, რომლის რაოდენობაც არ უნდა აღმატებოდა მამულის ღირებულების 75% და ბოლოს ეს კრედიტი ნატურალური კი არ იყო, არამედ მხოლოდ ფულით.

უკვე ის წესი, რომ კრედიტი უნდა ყოფილიყო პირადი და შესაფერისი ქონების კაპიტალისა და ამავე დროს არ უნდა აღმატებოდა მისი ღირებულების 75%-ს უსპობდა მას მთავარ მიზანშეწონილობას. მართლაც და რისი გაკეთება შეუძლიან ცალკე მესაკუთრეს თავისი მცირე მამულის ღირებულების 75%-ის კრედიტით, მაშინ, როდესაც მელიორაცია მოითხოვს დიდი ხარჯების გაღებას?

ხოლო მსხვილ მესაკუთრეებს კი არც კი აინტერესებდათ მელიორაცია.

სწორედ ამიტომ, ხსენებული კრედიტით მიწის მესაკუთრენი ხშირად არა სარგებლობდნენ.

ხსენებული მიზნის განსახორციელებლად დეკრეტი ავალებს მიწადმოქმედების კომისარიატს — თავისი ადგილობრივის და ცენტრალური ორგანოების საშუალებით უზრუნველყოს ფულით სამელიორაცია ამხანაგობათაგან განზრახული უახლოესი სამუშაოები, რისთვისაც მიწადმოქმედების კომისარიატის განკარგულებაში უნდა გადაიდოს კრედიტი 2000 მილიონი მანეთისა.

სააღმშენებლო და სპეციალ ინვენტარით მომარაგება უნდა ხორციელდებოდეს მიწადმოქმედების კომისარიატის წარმოებითი პროგრამისა, განცხადებისა და ხარჯთაღრიცხვის მიხედვით, რომლებიც გატარებულია დაკანონებული წესით დამკრავი



სამუშაოს უფლებით სრულიად რუსეთის პროტკავ-  
შირთა ცენტრალური კავშირის და უმაღლეს სა-  
მეურნეო საბჭოს ორგანოთა საშუალებით.

რუსეთის სახალხო კომისარიათა საბჭომ ერთ-  
ბაშად გადასდო რა დიდი თანხა ორი მილიარდის  
როდენობით და აღიარა რა ეს სამუშაო დამკრავ  
სამუშაოდ, გვაჩვენა თუ რამდენად მნიშვნელოვა-  
ნად და აუცილებლად სთვლის იგი სამელიორა-  
ციო ამხანაგობათა დაარსების იდეის განხორციე-  
ლებას.

ექვი არ არის ახლო მომავალში, საქიროების  
მიხედვით ასეთი თანხის გადადება განმეორდება და  
გადიდება კიდევ სამელიორაციო ამხანაგობათა  
რიცხვის გამრავლებასთან ერთად.

სამელიორაციო ამხანაგობათ უფლება აქვთ  
თავიანთი კავშირების საშუალებით პირობით შეეკ-  
რან ცალკე ფაბრიკებსა და ქარხნებს სამელიორა-  
ციო მინდვრებიდან მიღებულ სასოფლო მეურნეო-  
ბის ნაწარმოებთა ნაწილის გაცემის შესახებ, ხსენე-  
ბულ მინდვრებზე მელიორაციისათვის საქირო  
ხელსაწყოებისა და მასალების სამაგიეროდ, და  
აგრედვე მოსავლის ერთი ნაწილის გაცემის შესა-  
ხებ—განსაზღვრული დროის განმავლობაში სამე-  
ლიორაციო მინდვრების სრულის ტენიკურად  
შეიარაღების ან არსებულ სარწყავ და საშრობ  
სისტემათა შეცვლის სამაგიეროდ. თუმცა ასეთი  
ხელშეკრულებანი სამელიორაციო ამხანაგობათ  
არ ანთავისუფლებს სასურსათო გადასახადისაგან.

ამრიგად, დეკრეტი ამდევს რა ნებას სამე-  
ლიორაციო ამხანაგობათა კავშირს სხვა ამხანა-  
გობებთან განსაზღვრულ ხელშეკრულების დადე-  
ბისას და ერთურთშორის შეთანხმებისას და  
აგრედვე ცალკე ფაბრიკებსა და ქარხნებსაც, ამით  
იგი ანიჭებს მათ იფრიდიულ პირთა უფლებას,  
რომელთაც დამოუკიდებლად შეუძლიანთ დასდონ  
პირობა, ხელშეკრულება და სხვა და სხვა. ეს  
კიდევ ცოტაა, ეს ამხანაგობანი წარმოადგენენ  
უძლიერეს თვითკარ სამეურნეო ორგანიზაციებს,  
რომელთაც აქვთ უფლება მიიღონ ყველა აუცი-  
ლებელი მასალები და ხელსაწყოები და თვით  
სრული ტენიკური მომართულობა—სასოფლო  
სამეურნეო ნაწარმოებთა სამაგიეროდ ან და მო-  
ყვანილ მოსავლის ნაწილის სანაცვლოდ.

რალა თქმა უნდა ასეთი ხელშეკრულებანი  
მწარმოებელთა და მომხმარებელთა; ამ შემთხვე-  
ვაში მუშებისა და გლეხებისა, სოფლისა და ქალა-  
ქის, საუკეთესო თავდებია ამ იდეის განხორციე-  
ლებისა და ცხოვრებაში გამართლებისა.

სამელიორაციო ამხანაგობანი უნდა მოეწყოს  
სასწრაფოდ და ამასთანავე ერთად მასსიურ მასშ-  
ტაბში.

ამ დეკრეტის გამოქვეყნების შემდეგ მთელი  
თვალუწვდენელი მიწადმოქმედი რუსეთი გადადის  
თავისი განვითარების ახალ ფაზისში.

ხალხი და სახელმწიფო ხელს ამდევნენ ერთმა-  
ნეთს მხარეში უდიადეს ინტენსიური სამიწადმოქ-  
მელო კულტურას, ვინაიდან მელიორაციის შემდეგ  
ადგილი აღარა აქვს ძველს ექსტენსიურ კულტუ-

რას, ძველს, მამა-პაპურ აღათებს მეურნეობისა  
და სხვას აღარა აქვთ ადგილი.

მათი ადგილი უნდა დაიჭიროს ახალმა, უფრო  
რაციონალურმა, უფრო შემოსავლიანმა მიწათ-  
მოქმედების მეთოდებმა, რომელმაც უნდა გარდა-  
ჰქმნან რუსეთი უძლიერეს და უმდიდრეს სამიწათ-  
მოქმედო ქვეყანად.

სამელიორაციო მუშაობის წარმოების შესა-  
ხებ აღძრულ ყოველ დავას იმ პირთა შორის,  
რომელთა ინტერესებიც პირდაპირ ეხება ამ სა-  
კითხს, სწყვეტენ საადგილმამულო ორგანოები—  
დაინტერესებულ მხარეთა მონაწილეობით.

რა თქმა უნდა, გლეხთა შორის მელიორა-  
ციის პროპაგანდა და პოპულიარიზაცია, ამ უკა-  
ნასკენელის გაცნობა მასთან, განმარტება გლეხე-  
ბისათვის მისი აუცილებელი საქიროებისა, სარგებ-  
ლიანობისა და შემოსავლიანობისა—უპირველესად  
ვევალებათ იმ ორგანოებს, რომელთაც დაკისრე-  
ბული აქვთ ამ დარგში მუშაობის ხელმძღვანელო-  
ბა და განხორციელება.

როგორც წინანდელმა გამოცდილებამ დაგვა-  
ნახვა, გლეხობა ძლიერ უხალისოდა სთანხმდება  
სამელიორაციო მუშაობის წარმოებას, რომლის  
უშუალო სარგებლიანობა მათთვის მუდამ არ არის  
გარკვეული. ამიტომ, ხსენებულ ორგანოებს დიდი  
განაჩანათლებელი მუშაობა სჭირდებათ, რათა მოს-  
ტეხონ მათი ჯიუტი კონსერვატიზმი და უნდობ-  
ლობა, რასაც გლეხები, როგორც წვრილი მესაკუთ-  
რენი, ჰხედებიან ხოლმე ყოველ ახალ ფორმას.

თვით შესაფერისი კრედიტების გახსნაც კი,  
ყოველთვის არ აღვიძებდა წვრილ მესაკუთრეთა  
შორის თვით მოქმედების ხალისს, თუ ისინი და-  
წყებულ მუშაობაში არა ჰხედავდნენ თავის უშუ-  
ალო სარგებელს.

თუ უზარმაზარი რუსეთისათვის, რომელსაც  
დაუშრეტელი რესურსები და თვალუწვდენელი სივ-  
რცე აქვს, თუ მის აღურაცხველ მცხოვრებთათვის,  
რომელთა შორის უკვე გაიდგა დამოუკიდებელმა  
შემოქმედებითი შრომისა და თვითმოქმედების უნა-  
რმა, მელიორაციისა და სამელიორაციო ამხანაგო-  
ბებს, მათს მუშაობასა და განვითარებას აქვს ასეთი  
უდიდესი მნიშვნელობა, უფრო მეტის თქმა შეიძ-  
ლება საქართველოზე.

საქართველო პატარა კუთხეა თავისი წვრილი  
ექსტენსიური მეურნეობით და მისთვის უდიდესი და  
ღრმა მნიშვნელობა აქვს სამელიორაციო ამხანა-  
გობათა შექმნას.

ეს განსაკუთრებით მნიშვნელოვანია მით უმე-  
ტეს ეხლა, ვინაიდან ამას წინად დასრულებულმა  
ეკონომიურმა თათბირმა მიზნად დაისახა მთელი  
რიგი სამელიორაციო მუშაობისა, მთელი კავკასი-  
ისათვის, ფართო მასშტაბით.

ქვეყნის მეურნეობის გასაუქობდესებლად ამ  
სამუშაოთა შესრულება რაიც უნდა გამოიხატოს  
უმათვრესად უზარმაზარ უწყლო ადგილების მორ-  
წყვაში, როგორც საქართველოში კერძოდ, ისე  
კავკასიაში საზოგადოდ, სახელმწიფოსაგან მოით-  
ხოვს მთელს მის ეკონომიურ საშუალებათა ამოძ-

რავებას, რაიც არსებული პირობებისა გამო ძლი-  
რ შიშვე მდგომარეობაშია ჩაყენებული.

რა თქმა უნდა საქართველოს მკხოვრებნი,  
რომელთა კეთილდღეობის მიზნითაც არის გამოწე-  
ვილი განზრახული ყველა სამელიორაციო მუშა-  
ობა, უნდა დაეხმარონ მთავრობას ამ დიად საქმე-  
ში. ამ სამელიორაციო ამხანაგობებში უნდა გაერ-  
თიანდნენ აგრედვე საქართველოს ყველა მიწითმო-  
სარგებლონიც.

რასაკვირველია მათი წარმოშობისა და განვი-  
თარების პირობები შეიძლება როდენამე სხიანა-  
რი იყოს, უკეთუ მხედველობაში მივიღებთ წვრილ-  
მან სპეციფურ მიზეზებს, მაარამ რაც არ უნდა  
იყოს, მათი განხორციელება აუცილებელია. ვი-  
ნაიდან მხოლოდ მიწის მოსარგებლე გლეხობის  
ასეთი თვითმოქმედება არის თავდები სახელმწიფო-  
ში მეურნეობის განვითარებისა.

ვინაიდან ეკონომიურმა თათბირმა სამელიო-  
რაციო მუშაობათა დაწყება განიზრახა ზოგად, კა-  
ვკასიის მაშტაბით, ამიტომ რასაკვირველია ასეთი  
ამხანაგობანი უნდა დაარსდნენ კავკასიის სხვა რე-  
სპუბლიკებშიაც. ამ უკანასკნელთა გაერთიანებუ-  
ლი ამხანაგობანი კონტაქტში შევლენ საქართვე-  
ლოს სამელიორაციო ამხანაგობათა ორგანიზაციე-  
ბთან და ამ რიგად, თათბირის მიერ დასახული  
სამელიორაციო მუშაობა პპოვეებს სწრაფსა და რა-  
ციონალურ განხორციელებას-

კერძოდ საქართველო ყველა სხვა ქვეყანაზედ  
უფრო მეტად საქართველს სამელიორაციო ამხანა-  
გობათა დაარსებას. ჩვენი ქვეყნის მცხოვრებთა  
85%-ს შეადგენენ მიწადმოქმედნი, რომელთა  
შორის უმრავლესობა 1/3-დან 5 დესეტინამდე მი-  
წის მქონე წვრილი მესაქურენი არიან.

საქართველოში მომხდარ გადატრიალების შე-  
დეგაც კი, რომლის ნეოხებითაც გლეხობის გან-  
კარგულებაში გადავიდა ყოფილ მემამულეთა მი-  
წები და აგრეთვე სახაზინო მამულების ნაწილი,  
მინც ვერ გაფართოვდა გლეხთა მიწათმფლობე-  
ლობა. და დღესაც ბევრს არა ჰხვდება იმაზედ მე-  
ტი მიწა, რაც წინად ხვდებოდა სულზე.

ძველი ხარჯის გამწერი უწყების ცნობათა  
მიხედვით საქართველოს ტერიტორიის 7,210 ათა-  
სი დესეტინა მიწა განაწილებულია შემდეგნაირად:  
განოყიერებული მიწები: — სულ  
ტფილისის გუბ. 2 300 დეს.—899 ათასი დეს.  
ქუთაისის გუბ.—958 დეს.—353 „  
სოხუმის ოლქი—254 დეს. 83 „  
უმაღლესი კულტურული მამულები:  
საშუალოდ კომპოზედ:  
ტფილისის გუბ.—5,34  
ქუთაისის გუბ.—1,99  
სოხუმის ოლქ.—3,05

ეს ციფრები სრული არ არის და სისწორით  
ვერ გამოხატავენ მცხოვრებთა სიღარიბეს მიწის  
მხრივ.

უფრო ნათელი იქნება ჩვენთვის ამ ციფრე-  
ბის მნიშვნელობა, თუ გავიხსენებთ, რომ ამ აღვი-  
ლებში მეტად ექსტენსიური კულტურით სწარმო-  
ბს მუშაობა და მიწადმოქმედების იარაღები მო-  
ძველებული და გამოუსადეგია.

რუსეთის ცენტრალურ სტატისტიკურ  
მიტეტის ცნობით ხუთი წლის განმავლობაში  
1909—1913 წლებში საქართველოს შთელი ნათე-  
სის სივრცე უდრიდა 711 დეს., რომელიც საშუა-  
ლოდ იძლევა 33,4 ათას ფუთ პურს, რაიც შეად-  
გენს 47 ფუთს დესეტინაზე.

ეს უკანასკნელი ციფრი უსათუოდ ვადამეტე-  
ბული არის და ნამდვილი საქმის ვითარება ჩვენ  
შეგვიძლიან გავარკვიოთ შემდეგი შედარებიდან:

მოსავალი ერთ დესეტინაზე ფუთობით.				
საქართველო გერმანია ბელგია დანია				
ხორბალი	45—55	131	162	196
ქერი	55—65	130	170	164
სიმინდი	60—90	—	—	—

აქედან აშკარა არის, რომ მხოლოდ ძველი  
ექსტენსიური სისტემის გამო ხდება, რომ საქარ-  
თველო, რომელიც უმდიდრეს კუთხეს წარმოადგენს  
თვისი ბუნებრივი და კლიმატიური თავისებურო-  
ბით, სამჯერ ნაკლებ მოსავალს იღებს შედარებით  
იმ ქვეყნებთან, რომელთა ბუნებრივი პირობები  
გაცილებით ცუდია.

მხოლოდ გრანდიოზულ სამელიორაციო გე-  
გმების გატარებით, რომელთა განხორციელება უნ-  
და მოხდეს მიწის-მოქმედთა სამელიორაციო ამ-  
ხანაგობებში შეკავშირებით და მათი გაერთიანებით  
კავკასიის რესპუბლიკების ასეთივე ამხანაგობებ-  
თან,— შესაძლებელია როგორც გაფართოება მი-  
წის სივრცისა, ისე გაუმჯობესება მისი ხარისხისა  
და სასოფლო-სამეურნეო კულტურისა.

ასეთი ამხანაგობების შექმნა, — საერთო კავ-  
კასიის მაშტაბით ისე, როგორც მელიორაციის  
გეგმისა, რომელიც მიღებული იყო თათბირის  
მიერ, — უნდა იყოს სადღესო საქმე; თუ ეს საქ-  
მე არ იქნა მოგვარებული, ჰაერში ჩამოკიდებული  
და სინამდვილეში განხორციელებელი დაჩქობიან  
ყოფილი კეთილი განზრახვანი, დადგენილიბანი და  
რეზოლიუციები თათბირისა.

სახელმწიფოს ძალიან ბევრი მიწინარე საქ-  
მეები აქვს, ამასთანვე იგი ფრიად სუსტია და მას,  
ამ საქმით დაინტერესებულ მცხოვრებთა დაუხ-  
მარებლად არ შეუძლიან ამ საქმის მოგვარება.

ქართულ პრესაში ამ უმად ხშირად გაისმის  
ხმები ეკონომიურ თათბირის გეგმების და რეზო-  
ლიუციების ცხოვრებაში გატარების დაგვიანების  
შესახებ, მელიორაციის იდეის აგიტაციის და პო-  
პულიარიზაციის აუცილებლობის შესახებ.

სამელიორაციო ამხანაგობების შექმნა უსა-  
თუოდ დასძრავ ამ საქმეს მკვდარ წერტილიდან,  
ფართოდ გაავრცელებს ამ იდეას მიწის—მომქმედ-  
თა შორის და დასაბამს მისცემს საქართველოს  
და საერთოდ კავკასიის მიწად—მოქმედების ახალ  
ერას.

### პითხვა-პასუხი

#### კითხვა

თემის რომელიმე უბანს მაგ. 30 კაცის ხელმოწერით გამოაქვთ ასეთი დადგენილება: ესა და ეს კაცი, როგორც მაგნე ელემენტი უბანში, იქნას დატყვევებული ადმინისტრაციული წესით 1, 2, ან 3-ით, და სთხოვს თემის რევკომს დაუყონებლივ მოიყვანოს სისრულეში დადგენილება. გთხოვთ გაგვიმარტოთ: აქვს თუ არა უფლება რევკომის თავმჯდომარეს ან მის ამხანაგს, რომ ეს დადგენილება არ მოიყვანოს სისრულეში.

#### პასუხი

რევკომის თავმჯდომარეს რასაკვირველია შეუძლია არ მოიყვანოს სისრულეში არც ერთი დადგენილება მოქალაქეთა. მხოლოდ თუ დადგენილება კანონიერია თავმჯდომარე პასუხს აგებს მის შესრულებლობაში. თუ კი უკანონოა დადგენილება, მაშინ მიუხედავად იმისა, რომ დადგენილება ხელმოწერილია 30 ან მეტის მიერ, თავმჯდომარე ვალდებულია არ მოიყვანოს იგი სისრულეში. ამ შემთხვევის დროს მხედველობაშია მისაღები სხვა და სხვა მოტივი: რით იხელმძღვანელეს მოქალაქეებმა, რა საბუთი ჰქონდათ, ხმები, თუ უტყუარი ცნობები, რა წომეობა გადაწყვეტილი კანონით, უმაღლესი მთავრობით და სხ. ყოველ შემთხვევაში რევკომის თავმჯდომარე ვალდებულია დიდის სიფრთხილით, სიდინჯით და მიუღიჯომლად მოეკიდოს საკითხის გადაჭრას.

#### კითხვა

ძველი წყობილების დროს სოფლის სამმართველოში ამტკიცებდნენ როგორც ძმების, ისე კერძო პირების საზიარო ქონების გაყოფის პირობითი ხელწერილს. გთხოვთ გვაცნობოთ, აქვს თუ არა უფლება თემის რევკომს ანდა ადმინისტრაციის დამტკიცოს ასეთი ხელწერილი?

#### პასუხი

რევკომი, არის უმაღლესი ორგანო, ოფიციალური ხასიათისა ადგილობრივ. მაშასადამე მის მიერ გაცემული ყოველგვარ ქაღალდს, რომელიც ადასტურებს, ან უარყოფს რომელიმე მოვლენას, აქვს საბუთის ხასიათი. მაგალითად მოწმობა ცხენის გაყიდვის, ან იმის რომ რომელიმე საქონელი ეკუთვნის ამა თუ იმ პირს და სხ. ასეთი საბუთით მისი მქონე ამტკიცებს თავის უფლებას. რევკომს, მაშასადამე, უხდება, აქვს უფლება და ვალდებულიც არის, საჭიროების დროს ასეთი საბუთები გასცეს, თუ

კი მთხოვნელი კანონიერ და უღაო მოქალაქეებთან რამოდენს რევკომში ან მთავრობის სხვა დადგენილებრივ ორგანოში. ეს ერთის მხრივ, მეორეს მხრივ უნდა აღინიშნოს შემდეგი: შეკითხვაში ნათქვამია, რომ ძველად ამტკიცებდნენ სოფლის სასამართლოში საზიარო ქონების გაყოფის პირობითი ხელწერილს. რევკომს შეუძლია მხოლოდ დაადასტუროს ფაქტი გაყოფისა ე. ი. პირობის წერილზე დააკრას ბეჭედი და სხ. ავიღოთ მაგალითი: ორმა ძმამ გაიყო მიწა, ნორმაში დატოვებული და პირობის წერილში აღნიშნა ორივე მხარემ, რომ ერთს ამდენი ერგო, მეორეს ამდენი. ამ წერილს არა აქვს არავითარი მნიშვნელობა, კერძო საკუთრების უფლების დასადასტურებლად, რადგან თუ რომელიმე მათგანმა ხედარი მიწა არ დაამუშავა თითონ, მიწა ჩამოერთმევა, თანახმად დეკრეტი № 17-ისა. ვაყიდვა, გაჩუქება და სხ. მისი არ შეუძლია კანონის ძალით, რადგან ეს აკრძალულია. მაგრამ რევკომის მიერ ბეჭედ დაკრული წერილით, შეიძლება მომავალში მფლობელობის, ან სარგებლობის, ან მემკვიდრეობის, (კანონის ფარგლებში) ამ უფლების გადაცემის დროს, დამტკიცებულ იქნეს სასამართლოში საძიებელი უფლება.

ამ რიგად რევკომს, აქვს უფლება, შეამოწმოს პირობითი წერილი; ამით არაფერი არ დაშავდება, მაგრამ ეს საგაულებლოც არაა. რასაკვირველია უმჯობესი და უფრო მიზან-შეწონილი იქნება ზევით დასახელებული წერილის სახალხო მოსამართლეს მიერ დამტკიცება.

#### კითხვა

თემის უბანში მოხდა რაიმე შემთხვევა: მკვლელობა გინდ დაკარგვა რისამე. უბანი ახდენს მასიურ კრებას კომისარის (აღმათ მილიციის უფროსის. რედ) თანდასწრებით და ყოველივე უტყუარი ნიშნებით ხალხს გამოყავს დამნაშავე და გამოაქვთ დადგენილება, რომ დამნაშავე პირს გადახდეს მოკლულის ან გაქურდულის ოჯახის სასარგებლოთ ამდენი და ამდენი მანეთი. და ამ დადგენილებას უგზავნის თემის რევკომს სისრულეში მოსაყვანათ. გთხოვთ გაგვიმარტოთ, აქვს უფლება თემის რევკომს, განსაკუთრებით თავმჯდომარეს გინდ მის ამხანაგს, რომ პირადი მისი შეხედულებით ეს ქაღალდი არ გადასცეს სახალხო სასამართლოს სისრულეში მოსაყვანად, დატოვოს უყურადღებოთ და ამბობდეს: მე თუ ვსცნობ საჭიროდ მაშინ მივსცემ ქაღალდს მსვლელობას და თუ არა, მაშინ უყურადღებოთ დარჩება?

#### პასუხი

ამ შეკითხვის საპასუხოდ უნდა ითქვას თითქმის იგივე, რაც პირველის შესახებ არის აღნიშნული მხოლოდ შემდეგი განმარტებით: რევკომი მოვალეა ადასტუროს ისეთი დადგე-



ნიღება, თხოვნა თუ შუამდგომლობა ადგი-  
ლო ბრივ მცხოვრებთა, რომელიც არ ეწინააღმდე-  
გება კანონს. წინააღმდეგ შემთხვევაში თითონ  
აგებს პასუხს კანონის წინაშე. მაგრამ თუ რეე-  
კომს წარედგინება ისეთი თხოვნა, რომელშიც  
აშკარად სჩანს ნიშნები ბოროტმოქმედების, მისი  
ჩამდენიც აღნიშნულია, არც რეეკომს, არც მის  
თავმჯდომარეს და ამხანაგს, არა აქვს უფლება,  
შეაჩერონ საქმის მსვლელობა. ხელისუფლების  
ორგანო ვალდებულია ბოროტმოქმედებაში ექვე-  
მიტანილის, ან ბოროტმოქმედის წინააღმდეგ მიი-  
ღოს წინასწარი ზომები, რომ სამართალს თავი  
არ დააღწიოს და საქმე კი გადასცეს დაუყოვნებ-  
ლივ სათანადო სასამართლოს ორგანოს (რომლის  
კომპეტენციასაც შეადგენს საქმის არსებითად  
გარჩევა), მაგრამ არა შესასრულებლად, როგორც  
ამ შეკითხვაში სწორია, არამედ გასაჩვენად და  
სათანადო განაჩენის გამოსატანად. სასამართლოს  
ორგანოები სარგებლობენ დამოუკიდებლობით.

კითხვა

როგორც გაზეთი კომუნისტში დაბეჭდი-  
ლი იყო, წისქვილები დაბეგრულია მთავრობის-  
მიერ 15 %, მაგრამ მიუხედავად ამისა აბაშის  
თემის რეეკომი, სენაკის მაზრის რეეკომის კარნა-  
ხით ბევრავს წისქვილებს 25 %, ესე იგი, მიაქვს  
შემოსულიდან ერთი მეოთხედი; ეს რამდენათ კანო-  
ნიერია, და თუ დეკრეტი არის გამოსული რომ  
15% დაიბეგროს, რაზე სენაკის მაზრის რეეკომს  
სისრულეში არ მოყავს?

პასუხი:

საქართველოს რეეკომის დადგენილება №  
53 (იხ. შ. ს. ს. კომისარიატის „შოა-  
მბე“ № 14) მუხ. 1, კათეგორიულად გან-  
საზღვრავს ბაჟის რაოდენობას. იგი ამბობს: „წი-  
სქვილის საერთო შემოსავალს, რომელსაც წის-  
ქვილის პატრონი მიიღებს ნატურად, დაედოს 15%  
რაოდენობის გასახადი.“ ამ მუხლში მოხსენებუ-  
ლის ზევით ბაჟის დადება, აკრძალულია და ყვე-  
ლა ვინც ამას ჩაიდენს, ის არღვევს კანონს, რის-  
თვისაც პასუხის მკებელია საერთო წესისამებრ.

კითხვა

ქართული  
სოციალიზმი

თემში მოქალაქობრივი აქტების საწარ-  
მაოთ შეიძლება თუ არა დაარსდეს ცალკე მაგი-  
და გამგით და მდივნით, რეეკომის თანაბრად წევ-  
რებთა შტატში ჩარიცხვით, რადგანაც აღნიშნულ  
საქმეს, როგორც რთულს, აუცილებლათ ესაჭი-  
როება ცალკე შტატი თემში.

პასუხი:

სამოქალაქო მდგომარეობის აქტების წარმო-  
ება, სავსებით მინდობილი აქვს ადგილობრივ რეე-  
კომს. თუ რეეკომი საჭიროდ დაინახავს ცალკე  
მაგიდის, სათანადო შტატით მოწყობას, მას ამის  
უფლება აქვს. თუ კი საჭიროდ არ სცნობს ან  
ეს ტენიკურად შეუძლებელია, მაშინ საერთო  
წესით აწარმოებს მას. პირველ შემთხვევაში სათა-  
ნადო შტატი უნდა იქნეს შეტანილი როგორც  
თემის, აგრეთვე მთელი მაზრის ხარჯთაღრიც-  
ხვაში.

შესდომის გასწორება

„შოამბის“ მე-17 №-ში მოთავსებულ „შეკითხვებ-  
ში“ შეპარულია სამწუხარო კორექტურული შეცდომები:  
1) მე-31 გვერდზე დაბეჭდილ პირველი პასუხის მეექვსე  
სტრიქონში დაბეჭდილია: „ეს სრულებით არ ეწინააღმ-  
დეგება მოქალაქობრივ მდგომარეობის აქტების ჩამწერ  
განყოფილებას“, უნდა იყოს: „ეს სრულებით არ ეწინააღ-  
მდეგება მოქალაქობრივ მდგომარეობის აქტების ჩამწერ  
აგნყოფილებას“.

2) მეორე პასუხის მეორე სტრიქონში დაბეჭდი-  
ლია: „ჯერის წერა შეიძლება თვით პირისთვის სამჯერ“  
უნდა იყოს: „თითო პირისთვის სამჯერ“.

3) ამავე პასუხის მე-20-ე სტრიქონში დაბეჭდილია  
„რასაკვირველია არა კანონიერ ქორწინებას და განქორ-  
წინებას ახდენს მ. მ. ა. ჩამწერი განყოფილება“, უნდა  
იყოს: „რასაკვირველია არა. კანონიერ ქორწინებასა და  
განქორწინებას ახდენს მხოლოდ მოქალაქობრივ აქტების  
ჩამწერი განყოფილება“, და სხ.

ჩელაქცია.



# შინაგან

## გე-XVII-ე №-ში მოთავსებულ გასაღებიან:

- 1) დეკრეტი № 68 საქ. რევ. კომიტეტისა საქართველოს სოციალისტური საბჭოთა რესპ. სახალხო ბანკის წესდების დამტკიცების შესახებ.
- 2) " № 69 საქ. რევ. კომიტეტისა შარაგზით ტვირთ ზიდვის ბეგაზის შემოღების შესახებ.
- 3) " № 70 საქ. რევ. კომიტეტისა მევენახეობის პროდუქტების ნატურალურ გადასახადის შესახებ.
- 4) " № 71 საქ. რევ. კომიტეტისა კართოფლის და ბოსტნეულის ნატურალურ გადასახადის შესახებ.
- 5) " № 72 საქ. რევ. კომიტეტისა ხილის ნატურალურ გადასახადის შესახებ.
- 6) " № 73 საქ. რევ. კომიტეტისა ხორცის ნატურალური გადასახადის შესახებ.
- 7) " № 74 საქ. რევ. კომიტეტისა რძის პროდუქტების ნატურალური გადასახადის შესახებ. გვ. 1-16
- 8) ბრძანება № 81 საქ. რევ. კომიტეტისა კავ-

- კასიის ცალკე არმიის დაარსების წლისთავის შესრულების გამო დღესასწაულის მოწყობის შესახებ. გვ. 16-17.
- 9) დადგენილება შინ. საქ. სახ. კომისარიატისა.
- 10) ცირკულარი ყველა სამაზრო რევეკომს.
- 11) " ყველა მაზრის, ქალაქის და ბათუმის მხარის რევეკომებს.
- 12) ცირკულარული ბრძანება მაზრისა და ქალაქის რევეკომებს. გვ. 17-19.
- 13) ნორმალური წესდება სასოფლო-სამეურნეო მწარმოებელ კომუნისა. გვ. 19-22.

### არა მუშისთვის განკუთვნილია.

- 14) შეცდომის მაგალითები გვ. 22-23.
- 15) სასურსათო გადასახადის კომპანია საქართველოში. გვ. 23-27.
- 16) ლტოლვილებს მოძრაობა და მათი რევაკუაციის საქმე ჩვენში გვ. 27-28.
- 17) ახალი ეკონომიური პოლიტიკის შესახებ: გვ. 29-30.
- 18) შეკითხვები გვ. 30-31.
- 19) კითხვა-პასუხი გვ. 31.